

廣

雅

疏

證

廣雅疏證卷第五上

高郵王念孫學

釋言

央極中也

洪範云建用皇極

駭驚起也

息歸返也

說見卷二息返歸也下

奉貢獻也

邪幔闔也

唐承前詞
說見卷二
誤慢覆也下
鼎與幙通
慢各本
認作慢今訂正
闕通作奄說文奄覆也

令召靚也

說見卷二
招命靚召呼也下

乾元天也

儀招來也

方言儀來也陳
頤之閒曰儀

羞薄致也

羞與誘同
薄說見卷一
薄至也下至與致通

循率述也

搢拊孺也

說見卷四、篇各本
謫作攝今訂正

班秩序也

娟犯侵也

玉篇娟小娟侵也趙策云稍稍蠶食之稍稍與娟通楚辭九歌不寢近兮愈疏王逸注云寢稍也寢一作侵犯各本謫作祀今訂正

訢誠警也

皆謂調戲也說見
卷四誠調也下

僮莫稚也

爾雅云雉之
莫子爲鷃

輶輶也

破說文作𦵏云疥足也漢書趙充國傳手足皸瘃文
頽注云皸坼裂也莊子逍遙遊篇宋人有善爲不龜
手之藥者釋文云龜徐舉倫反向云拘坼也龜與皸
聲近義同皸曹憲音咎皸之言錯也爾雅釋木指皸
郭璞注云謂木皮甲錯面山經獾羊其脂可以已脂
郭注云治體皸脂脂與皸通集韻皸又音錯考工記
弓人老牛之角紵而咎鄭衆注云咎讀爲交錯之錯
謂牛角犴理錯也北山經帶山有獸焉其狀如馬一
角有錯注云言角有甲錯義竝與皸同皸之言麤也
玉篇廣韻竝音麤皸皸一聲之轉釋名云齊人謂草
屨曰搏脂搏脂猶把鮓麤貌也荆
州人曰麤脂與皸麤與皸竝同義

搯播搖也

搯見卷一搖搯動也下搯與搯同論
語微子篇播鼓武孔傳云播搖也

仍重再也

鎮綏撫也

羸膠瘠也

膠與捷同

課揣試也

說文課試也管子七法篇云成器不課不用不試不藏方言揣試也郭璞注云揣度試之

捷敏亟也

捷與捷同

曼莫無也

小爾雅曼無也法言寡見篇云曼是為也五百篇云行有之也病曼之也皆謂無為曼文選四子講德論空柯無刃公輸不能以斲但懸曼增蒲苴不能以射曼亦無也李善注訓為長失之曼莫無一聲之轉猶覆謂之慢亦謂之幕亦謂之撫也漢書西域傳罽賓國以金銀為錢文為騎馬幕為人面張晏曰淺文面

廣雅疏證

卷第五上

三

作騎馬形漫面作人面目也如淳曰幕音漫師古曰幕印漫耳無勞借音今所呼幕皮者亦謂其平而無文也案幕字如淳音漫師古音莫而同訓為無文猶曼與莫之同訓為無也任氏幼植釋繪云說文綬文猶無文也管子霸形篇君何不發虎豹之皮文錦以使諸侯令諸侯以綬帛鹿皮報左氏成五年傳乘綬注車無文是凡物之無文者謂之綬義與曼同也

荆剡斫也

剡見卷一刺斫也下剡與斫同

蕭飭飪也

蕭經傳通作亨說見卷三蕭飪熟也下蕭說文作蕭云煮也漢書郊祀志皆嘗蕭亨上帝鬼神顏師古注云陽亨一也蕭亨煮而祀也引韓詩采蘋曰于以蕭之唯鉤及釜毛詩蕭作湘云湘亨也蕭飭湘聲近義同蕭音式羊反蕭音音衡反各本蕭譌作蕭今訂正

說見卷四

雞朝也下

戊秀茂也

漢書律歷志云豐楸於戊鄭注月令云戊之言茂也四時之間萬物皆枝葉茂盛茂與楸通

鄉救也

未詳

偉竊淺也

說文竊淺也爾雅釋鳥夏屬竊元秋屬竊藍冬屬竊黃棘屬竊丹昭十七年左傳正義云竊元淺黑也竊藍淺青也竊黃淺黃也竊丹淺赤也又爾雅釋獸虎竊毛謂之號貓鼬如小熊竊毛而黃大雅韓奕傳云貓似虎淺毛者也

開戰闕也

說文闕闕也孟子梁惠王篇鄒與魯闕趙岐注云闕闕聲也音義引劉熙注云闕構也構兵以闕也字亦作闕呂氏春秋慎行篇崔杼之子相與私闕高誘注云闕闕也闕讀近鴻緩氣言之大雅召旻篇柔祗內訖鄭箋云訖爭訟相陷人之言也義與闕相近

隅陬角也

廉栝校也

鄭注鄉飲酒禮云側邊曰廉說文栝校也衆經音義卷十八引通俗文云木四方爲校八校爲栝字通作

備咳咸也

此方言文也樂記大章章之也咸池備矣史記樂書備矣作備也餘見卷二咳備也下

奇尤異也

敷放妄也

莊子庚桑楚篇躡市人之足則辭以放驚郭象注云稱己脫誤以謝之釋文引廣雅驚妄也驚與敖通亦作傲荀子勸學篇未可與言而言謂之警傲謂妄言也論語云言未及之而言謂之躁躁亦妄也

貶費損也

焚燎燒也

燁爇也

說文燁爇也昭二十年左傳燁之以薪杜預注與說文同釋文云燁然也燁然聲相近然火謂之燁故爇亦謂之燁周語火無災

諄諛也

諄韋昭注云諄森起兒

譌與倂通諛各本
譌作諛今訂正

拂拍搏也

說文拂過擊也卷
三云拍搏擊也

懲愆也

愆與艾通亦通作刈堯典五流有宅五宅三居王制
正義引鄭注云宅讀曰宅懲刈之器謂五刑之流皆
有器懲刈史記五帝紀作五流
有度度愆宅宅聲近而義同

枚箇凡也

方言枚凡也昭十二年左右傳南蔽枚筮之杜預注云
不指其事汎上吉凶正義云或以爲汎上吉凶謂枚
雷總上禮云無雷同是總衆之辭也今俗語云枚雷
卽其義哀十六年傳王與葉公枚卜子良以爲令尹
注云枚上斥言所上以令龜是枚爲凡也方言箇
枚也郭璞注云謂枚數也字或作个特牲饋食禮俎

釋三个鄭注云个猶枚也今俗言物數有若干个者此讀然是箇與枚同義

穀距困也

皆未詳

遷徙移也

忒愼愼也

說文忒惕也引吳語于其心忒然今本作忒然韋昭注云忒猶惕也忒字蓋傳寫之誤廣韻云忒意愼忒也管子弟子職篇云顏色整齊中心必式式與忒聲義相近卷四云愼恐也愼亦恐也玉篇愼心動也方言蛰愼戰慄也荆吳曰蛰愼蛰愼又恐也並與愼聲近義同

稟治也

稟舊憲讀爲稟稟稟二字諸書皆無訓爲治者治蓋給字之譌說文稟賜穀也漢書文帝紀吏稟當受賞

者顏師古注云稟給也蘇武傳
稟食不至注云無人給飲之

礪石碓也

廣韻礪落也玉篇石落也礪石碓一聲之轉卷四云
石搥搥也礪伐也石石搥礪搥礪聲義並相近廣韻
太平御覽引
廣雅礪作礪

移脫遺也

移為遺與之遺脫為遺失之遺漢書武帝紀受爵賞
而欲移賣者無所流貶應劭注云則音移言無所移
與也移貶
聲義並同

專齊也

說見卷四
專齊也下

河漚淖也

真是此也

說文河多汁也又云涵河泥也淮南子原道訓其渾而河高誘注云河亦渚也髓粥多渚者謂之河兵略訓云道之浸治河渚纖微無所不在衆經音義卷十一引通俗文云和渚曰渚鄭注士虞禮記云渚和也

將餘帥也

諸書無訓真爲此者各本真字皆書作真真是此也當是直此是也之譌直爲是正之是此爲如是之是說文是直也是其證矣或曰當作直是正也說文直正見也正也是也

外漸也

據古通作渠史記田叔傳取其渠率二十人率與帥通

龍之寵也

太平御覽引春秋說題辭云外之爲言漸精真寢也說文外漸也人所離也鄭注檀弓云消盡爲漸

廣雅疏證

卷第五上

八

鄭注師卦云寵光耀也小雅蓼蕭篇為龍為光毛傳云龍寵也周頌酌篇我龍受之鄭箋云龍寵也龍寵聲相近故古人以二字通用昭十二年左傳引蓼蕭詩龍光作寵光商頌長發篇何天之龍箋云龍當作寵師象傳承天寵也王肅本作龍

為譌諱也

皆謂變化也說見卷三
譯為也下七與化通

涕泣淚也

跽匍匐也

說見卷三匍跽伏也下伏與匍通各本跽下俱有莊字段氏若膺云莊與匍匐之義不相近廣雅釋詁跽伏也曹憲音壯拳反文選魯靈光殿賦狡兔跽伏於柎則李善音壯攀切玉篇音壯攀切廣韻音莊緣切廣雅釋言篇內無連舉三字解之者莊非正文也案

今從段
說

昭晴謨也

昭各本論作昭今訂正廣韻引字
林云昭晴不悅目兒說文謨志也

猜阻疑也

一閱二年左傳是服也狂夫
阻之杜預注云阻疑也

霤霽霖也

說文霤久雨也又云通水澤多也通與霤義相近說
文滌漬也漬久雨滌漬也淮南子主術訓時有滌旱
災害之患高誘注云滌久雨水潦也滌與霽同爾雅
云久雨謂之淫淫謂之霖霖淫滌古聲亦相近也方
言潛通沈也沈謂之通亦謂之
潛猶久雨謂之霤亦謂之霽也

賀皆嘉也

賀皆嘉也

卷五上

七

說文賀禮物相慶嘉也嘉與賀古同聲而通用觀
禮予一人嘉之鄭注云今文嘉作賀晉語賀大國之
襲於己說苑辨物篇賀作嘉皆是也嘉皆一聲之轉
字通作借小雅魚麗曰維其嘉矣又曰維其借矣賓
之初筵曰飲酒孔嘉又曰飲酒
孔借借亦嘉也解者多失之

易與如也

皆一聲之轉也宋定之云繫辭傳易者象也象也者
像也像即如似之意引之云論語賢賢易色易者如
也猶言好德如好色也二說並通易訓為如又有平
均之義下文云如均也爾雅平均易也是易如與平
均同義方言易始也郭璞注云易代更始也義近於
鑿廣雅之訓多本方言此條訓易為如而釋詁始也
一條內不載易字疑張氏所見本始作如也襄二十
六年左傳引夏書曰與其殺不辜寧失不經凡經傳
言與其者皆謂如其也閔元年左傳猶有令名與其
及也史記集解引王肅注云雖去猶可有令名何與
其坐而及禍也何與猶何如也秦策云秦昭王謂左
右曰今日韓魏孰與始強對曰弗如也王曰今之如

耳魏齊孰如孟嘗荏苒之賢對曰弗如也孰與猶孰
如也班固東都賦云僻界面戎險阻四塞脩其防禦
孰與處乎土中平夷洞達萬方輻湊秦嶺九峻涇渭
之川曷若四瀆五嶽帶河沂洛圖書之淵易苦猶孰
與也漢書鼂錯傳今匈奴上下山阪出入溪澗中國
之馬弗與也弗與猶弗如也與如若亦一聲之轉與
訓爲如又有相當之義襄二十五年左傳申鮮虞與
閭邱嬰乘而出行及弇中將舍嬰曰崔慶其追我鮮
虞曰一與一誰能懼我杜預注云弇中狹道也道狹
雖衆無所用案與猶當也言狹道之中一以當一雖
衆無所用也下文云崔慶之衆不可與也與亦當也
二十四年傳云大國之人不可與也與亦當也宋衛
策云夫宋之不足如梁也寡人知之矣
高誘注云如當也是與如皆訓爲當也

詭覆反也

班固幽通賦變化故而相詭兮曹大家注云詭反也
大戴禮你傳篇左右之習反其師賈子傳職篇反作
詭漢書武五子傳云詭禍爲福史記李斯傳云今高
有邪佚之志危反之行詭危竝與詭通說文詭變也
賈子龍登

反也

審覆索也

爾雅覆察審也郭璞注云覆校察視皆所爲審語覆校卽考索也考工記弓人覆之而角至鄭注云覆猶察也定四年左傳云藏於周府可覆視也月令云命舟牧覆舟孫子行軍篇云軍行有險阻潢井葭葦山林翳蒼者必謹覆索之索與索通審察索三字皆從六六訓爲覆覆訓爲審義相因也

輪擯墮也

皆謂墮壞也小雅正月篇載輪兩載鄭箋云輪墮也公羊春秋隱六年鄭人來輪平傳云輪平猶墮成也何言乎墮成敗其成也穀梁傳云輪者墮也來輪平者不果成也是輪爲墮壞也其輪寫物亦謂之墮昭四年左傳寡君將墮幣芻服虔注云墮輪也方言擯墮壞也陸與墮同太元度次三小度差差大擯之墮測曰小度之差大度傾也是擯爲墮壞也方言云忘壞也故壞謂之墮亦謂之擯亦謂之輪忘謂之惰亦

謂之嬾亦謂之窳情與墮嬾與窳與輸古聲並相近也

償報復也

詩意志也

各本皆作詩意志也案詩志聲相近故諸書皆訓詩為志無訓為意者詩序云詩者志之所之也在心為志發言為詩賈子道德說篇云詩者此之志者也詩譜正義引春秋說題辭云在事為詩未發為謀恬澹為心思慮為志詩之為言志也書大傳注云詩言之志也說文及楚辭九章注並云詩志也今據以訂正

眷與顧也

說文睠左右兩視也玉篇與具肩切顧也古候字謂左右視也與從久佳聲與集字異與從久圭聲音胡反

癘癘蟬也

廣雅疏證 卷第五上

玉篇癢大痒也、癢小痒也、痒與蚌通、亦通作養、俗作癢、

趙猓盧也

皆驚散之貌也、玉篇趙散走也、高誘注淮南子主術訓云、劉讀驚攢之攢攢與趙通、方言、宋衛南楚凡相驚曰猓、郭璞注云、猓驚貌也、說文、猓犬猓猓不附人也、讀若南楚相驚曰猓、又云、猓犬猓猓不可附也、揚雄、勛秦美新云、來儀之鳥、肉角之獸、狙猓、狙猓而不臻、狙猓亦驚散之貌也、狙與盧通、

兼經并也

經之言比也、玉篇經、縷并也、鄭風千旄篇、素絲紕之、毛傳云、總紕於此、成文於彼、義與經相近、

裘黼狎也

覺穌害也

穌通作蘇、害通作寤、

諸旃之也

皆一聲之轉也諸者之於之合聲故諸訓爲之又訓爲旃旃者之馬之合聲故旃訓爲之又訓爲馬唐風采芴箋云旃之言馬也

竝偕俱也

餽餽也

餽者溫存之意唐段公路北戶錄引字林云餽饋女也音乃管反又引證俗音云今謂女嫁後三日餽會爲餽女各本皆脫餽字集韻類篇引廣雅餽餽饋也今據以補正餽之言運也說文野饋曰餽成五年左傳晉荀首如齊逆女故宣伯餽諸穀杜預注云運糧饋之

紕著納也

爾雅紕紕也說文紕縫也急就篇鍼縷補縫綻紕緣顏師古注云納刺謂之紕卷四云著補也著之言相

生

卷四

二

廣雅

卷五

十一

丁著也。士禮記冠六升外釋鄭注云。釋謂縫著於武也。卷四云。納補也。納與納通。

跂蹠

玉篇蹠足跌也。蹠與蹠同。說文跂曲脛馬也。蹠各本謬作蹠。今訂正。說文蹠曲脛也。讀若達。漢書賈誼傳非徒病瘡也。又苦蹠。顏師古注云。蹠古蹠字。足下日蹠。今所呼腳掌是也。蹠古蹠字。反戾不可行也。錢氏曉徵曰。說文玉篇俱無蹠字。小顏讀爲蹠。蓋臆說也。蹠字當是蹠字之謬。蹠蹠謂足脛曲戾。不便行動。案錢說是也。蹠從足彳聲。彳從升肉聲。隸書升字或作大。故蹠字或作蹠。其右半與彳字相似。因謬而爲蹠矣。

噉

衆經音義卷六引倉頡篇云。噉。噉聲也。莊子徐無鬼篇云。而況乎昆弟親戚之噉。噉其側者乎。

剽

小雅白華篇樵彼桑薪樵與創通

詆譙呵也

說文詆苛也一日訶訶呵苛義相近墨子脩身篇云詆訶之民衆經音義卷二十引倉頡篇云詆訶也餘見卷二譙讓也下影宋本譙作誰誰亦呵也說文誰字在詆字下云何也何與呵通史記秦紀信臣精卒陳利兵而誰何索隱引崔浩云何或爲呵漢舊儀宿衛郎官分五夜誰呵漢書五行志公車大誰卒應劭注云在司馬殿門掌誰呵者也六韜金鼓篇云令我壘上誰何不絕揚雄衛尉箴云二世安宿敗於望夷閭樂矯授戟者不誰皆是也史記萬石君傳歲餘不誰呵結索隱云誰呵音誰何誰與譙義同而聲亦相近例見釋宮

趨奔也下

平均賦也

方言平均賦也燕之北鄙東齊之北郊凡相賦斂謂之平均史記平準書云桑宏羊以諸官各自市相與

廣雅疏證

卷第五上

圭

爭物故騰躍而天下賦輸或不償其餼費乃請置大農部丞數十人分部主郡國各往往縣置均輸鹽鐵官令遠方各以其物貴時商賈所轉販者爲賦而相灌輸置平準於京師都受天下委輸大農之諸官盡籠天下之貨物貴則賣之賤則買之如此富商大賈無所牟大利則反本而萬物不得騰踊故抑天下物名曰平準是平均皆賦也急就篇云司農少府國之淵遠取財物主平準

勃快慙也

方言快倅慙也卷四云倅恨也倅與勃通說文快不服慙也史記伍子胥傳云常鞅鞅怨望曰起傳云其意快快不服快與鞅通慙謂之勃快故怒亦謂之勃快趙策云新垣衍快然不悅卽勃然不悅也

率計校也

周髀算經云以率率之

譏諫怨也

諫通作刺論語陽貨篇詩可以怨鄆風擊鼓正義
鄭注云怨謂刺上政漢書禮樂志云怨刺之詩起是
怨與譏刺同意

鉞擬撞也

說文鉞擬撞也楚辭招魂鉞鍾搖震王逸注云鉞撞
也班固東都賦云發鯨魚鉞華鍾擬擊也字亦作鉞
子虛賦擬金鼓李善注引韋昭曰擬擊也字亦作鉞
史記吳王濞傳即使人鉞殺吳王南越傳欲鉞嘉以
子索隱引韋昭曰鉞撞也撞謂之鉞故亦謂之
擬方言云矛吳揚江淮南楚五湖之間或謂之鉞

植豫早也

說文植早種也魯頌閟宮篇植穉叔麥毛傳云先種
曰植後種曰穉釋名云青徐人謂長婦曰植禾苗先
生者曰植取名於此也

囚繫拘也

廣雅疏證

卷第五上

俚慙賴也

漢書李布樂布田叔傳贊夫婢妾賤人感樂而自殺
非能勇也其盡無俚之至耳晉灼注云揚雄方言曰
俚聊也許慎曰賴也此謂其計畫無所聊賴至於自
殺耳孟子盡心篇猶大不理於口趙岐注云理賴也
理與俚通

敕慎謹也

逋夢亾也

贅叔屬也

大雅柔柔篇具贅卒荒毛傳云贅屬也正義云贅猶
綴也謂繫綴而屬之長發云爲下國綴旒襄十六年
公羊傳曰君若綴旒然是贅綴同也孟子曰太王屬
其耆老書傳云贅其耆老是贅爲屬也襄十六年公
羊傳注云贅繫屬之辭若今俗名就壻爲贅壻矣釋
名說贅肱之義云贅屬也橫生一肉屬著體也並事

異而義同

州誤殊也

藝文類聚引春秋說題辭云州之言殊也合同類異其界也

日類節也

日爲節度之節類爲絲節之節開元占經日占篇引春秋元命包云日之爲言節也開度立節使物咸別白虎通義云日之爲言實也節也常滿有節也說文類絲節也淮南子汜論訓明月之珠不能無類高誘注云若絲之有結類也

諫督促也

諫亦促也說文諫鋪旋促也

稽效考也

效之言校也月令云分蘭稱絲效功

穀字乳也

說見卷一字乳穀生也下穀與穀同各本字字誤入曹憲音內今訂正

靈禔福也

昭三十二年左傳云今我欲徵福假靈於成王哀二
十四年傳云寡君欲徵福於周公願乞靈於臧氏漢
書董仲舒傳云受天之祐享鬼神之靈是靈爲福也
卷一云祿靈善也爾雅祿福也福與善義相近故皆
謂之祿又皆謂之靈靈與祿一聲之轉耳方言禔
福也漢書司馬相如傳中外禔福史記作提同

凌駉馳也

楚辭大招冥凌浹行王逸注云凌猶馳也方言駉馬
馳也郭璞注云駉駉疾貌也劉向九歎云雷動電發
駉高舉兮揚雄甘泉賦云輕先疾雷而駉遺風說文
駉馬行相及也又云櫪行兒一日此與駉同嵇康琴

賦云飛纖指以馳驚紛從嘉以流漫漢書司馬相如
傳曰減輟以永逝兮顏師古注云輟然輕舉意也賦
雅釋訓云輟輟行
也義並與駁同

傅亮相也

堯典亮采惠疇史記
五帝紀亮采作相事

南壬任也

南壬任古並同聲藝文類聚引尸子云南方為夏
與也南任也萬物莫不任與蕃殖充盈書大傳云南
方者何也任方也任方者物之方任漢書律歷志云
大陽者南方南任也陽氣任養物淮南子天文訓云
南呂者任包大也小雅鼓鍾傳云南夷之樂曰任白
虎通義引樂元語云南夷之樂曰南南之為言任也
任養萬物是凡言南者皆任之義也大戴禮本命篇
云男者任也子者華也言任天地之道而長萬物之
義也昭十三年左傳鄭伯男也周語作南男與南亦
同聲同義史記律書云壬之為言任也言陽氣任養

廣雅疏證

卷第五上

萬物於下也漢書律厯志云懷妊於王釋名云王妊也陰陽交物懷妊至子而萌也妊與王亦同聲同義裁宰制也

疎驚執也

楚辭九歌疎長劍兮據幼艾王逸注云疎執也玉篇作搜同離騷驚易之不羣兮注云驚執也謂能執伏衆鳥鷹鵠之類也說文繫握持也義亦與驚同

正略要也

淮南子地形訓紀之以四時要之以太歲高誘注云要正也孟子滕文公篇此其大略也趙岐注云略要也

角抵觸也

角觸古聲相近獸角所以抵觸故謂之角詩卷耳正義引韓詩說云四升曰角角觸也不能自通觸罪過

也風俗通義引劉歆鐘律書云角者觸也物觸地而
出戴荅角也是凡言角者皆有觸義也說文抵觸也
海外北經相柳之所抵厥郭
璞注云抵觸也抵與抵通

寢執厭也

說文厭竿也一日合也玉篇於持於樂二切衆經音
義卷一引倉頡篇云伏合人心曰厭說文寢寐而厭
也字亦作昧高誘注淮南子精神訓云楚人謂厭爲
昧而山經鵲鵲服之使人不昧郭璞注云不厭夢也
引周書王會篇云服者不昧莊子天運篇彼不得夢
必且數昧焉司馬彪注云昧厭也說文執屋傾下也
方言云凡柱而下曰埋屋而下
曰塾亦謂厭伏也塾與執通

馮齋裝也

齋通作資爾雅將資也郭璞注云謂資裝裝將聲近
義同聘禮記問笈月之資鄭注云資行用也古文資
爲齋

偽言端也

詳未

樊裔邊也

莊子人間世篇云若能入遊其樊而無感其名入則
鳴不入則止則陽篇云夏則休乎山樊李頤注云樊
傍也高誘注淮南子精神訓云樊厓也皆謂邊也字
通作藩莊子大宗師篇云吾願遊乎其藩淮南子原
道訓注云裔邊也文十八年左傳云投諸四裔楚辭
九歌蛟何為兮水裔王逸注云水涯說文裔衣裾徐
鍇傳云裾衣邊也故謂四裔

逕趙及也

及各本譌作召今訂正爾雅逮及也又云逮逕也郭
璞注云今荆楚人皆云逕方言迨逕及也東齊曰迨
關之東西曰逕或曰及說文逕迨也玉篇云迨逕行
相及也王褒洞簫賦云驚合逕以說謠漢書禮樂志

騎沓沓顏師古注云沓沓疾行也疾行亦相及之意故釋名云急及也操切之使相逮及也說文果日相及也譌語相及也義竝與逌通說文趙趙及也趙音馳驅之馳穆天子傳天子北征趙行郭璞注云趙猶超騰也超騰亦謂疾行是逌趙皆及也

緯衡橫也

說文緯織橫絲也大戴禮易本命篇云凡地東西爲緯南北爲經

井絜靜也

說文灋無垢絜也靜與靜通釋名云井清也泉之清絜者也

瘥店癘也

說文瘥寒熱休作病也瘥二日一發瘥也店有熱瘥也釋名云瘥虐虐也凡疾或寒或熱耳而此疾先寒後熱兩疾似酷虐者也哀二年左傳云店作而伏餘見卷一疥病也下

青佳龍登

卷五上

七

瘳癰痞也

說文痞結痛也字或作胎通作否釋名云胎否也氣否結也素問六元正紀大論云寒至則堅否腹滿痛急下利之病生矣

糴稟穀也

說文糴穀也

痞疔痂也

說文疔頭瘍也周官醫師凡邦之有疾病者疔瘍者鄭注與說文同韓非子姦劫殺臣篇云厲雖癰腫疔瘍餘見卷一痂痞創也下

草竈造也

草竈造聲竝相近論語憲問篇云裨諡草創之竈或作竈釋名云竈造也創造食物也周官膳夫宰食以

樂微于造注云造作也鄭司農云造謂食之故所
處也己食微置故處案造即竈之借字也大說二曰
造故書造作竈
是竈與造通

科偽條也

偽義
未詳

瘞審也

各本皆作審噴竝也案審噴竝三字字義各不相屬
此因本文脫去瘞也二字而下文噴嚏也駢竝也又
脫去嚏也今據以補正遂致漏三條為一條集韻引廣雅
瘞審也今據以補正遂致漏三條為一條集韻引廣雅
曰審又云證謂誤也吳越曰證謂郭璞注云誤亦審
互見其義耳說文瘞靜也靜審也漢書外戚傳為人
婉瘞有節操顏師古注云瘞靜也文選神女賦澹清
靜其情嫵兮李善注引說文嫵靜也五臣本作慙竝
字異而義同廣雅之訓多本方言方言瘞
謂同訓為審則廣雅瘞下亦當有審字

噴嚏也

衆經音義卷十引倉頡篇云嚏噴鼻也各本脫嚏也二字衆經音義卷十六十九竝引廣雅噴嚏也今據以補正

駢竝也

說文駢駕二馬也管子四稱篇云入則乘等出則黨駢各本脫駢字莊子駢拇篇釋文引廣雅駢竝也今據以補正

靡離麗也

靡爲靡麗之麗離爲附麗之麗說文麗爾猶靡麗也司馬相如上林賦云所以娛耳目樂心意者麗靡爛漫於前靡曼美色於後離彖傳云離麗也象傳云明兩作離曲禮離坐離立鄭注云離兩也桓二年公羊傳離不言會何休注云二國會曰離皆謂麗也離與麗古同聲而通用土冠禮注云古文儻爲離月令注

云雕讀如儼偶之儼儼與麗同
各本誤作靡麗離也今訂正

儀愈賢也

引之云大誥民獻有十夫傳訓獻為賢大傳作民儀
有十夫漢書翟義傳作民儀九萬夫班固竇車騎將
軍北征頌亦云民儀嚮慕羣英景附古音儀與獻通
周官司尊彝鬱齊獻酌鄭司農讀獻為儀郭璞爾雅
音曰儀音儀說文儀從車義聲或作獻從金獻聲皆
其證也漢斥彰長田君碑曰安惠黎儀伐討姦輕素
山都尉孔宙碑曰乃殺二縣黎儀以康堂邑令費鳳
碑曰黎儀瘁傷泣涕連漉黎儀即皋陶謨之萬邦黎
獻也漢碑多用經文此三碑皆言黎儀則皋陶謨之
黎獻漢世必有作黎儀者矣洪适隸釋讀儀為旌倪
之倪非是

統己紀也

說文統紀也齊語云班序顛毛以為民紀統漢書律
歷志云理紀於己釋名云己紀也物皆有定形可紀
青龍登

識也、已各本誤
作已、今訂正、

與祭薦也

臚負也

說見卷三
據擔也下、

羌乃也

楚辭離騷、余以蘭為可
侍兮、羌無實而容長、

羌卿也

楚辭離騷、羌內恕己以量人兮、王逸
注云、羌、楚人語辭也、猶言卿何為也、

卿章也

白虎通義云、卿之為言章也、章善明治也、北堂書鈔
引漢官儀云、卿、章也、明也、言當背邪向正、章明道德、

也初學記引釋名云鄉章也言貴盛章著也

廁間也

各本皆作廁間非也案諸書皆訓廁爲閒無訓爲非者此因閒下脫去也字而下文非也之上又脫去閒字遂誤合爲一條文選琴賦注及衆經音義卷二十五華嚴經卷三十九音義並引廣雅廁閒也今據以

訂正

閒非也

說見卷二閒諍也下

詭誰也

各本脫去誰也二字遂與下條相連衆經音義卷十四引三倉云詭譎也卷二十三引廣雅詭誰也今據以補正

犀總也

犀曹憲音而總曹憲音思案總隸省作總總與犀義不相近犀當爲屬總當爲總說文總聚束也玉篇總合也周官州長各屬其州之民而讀法鄭注云屬猶合也聚也王逸離騷注云總結也韋昭晉語注云屬結也是總屬二字同義屬與犀總與總皆因形近而誤卷三內總聚也總字譌作總曹憲音思誤與此同

𦰩載也

𦰩或作𦰩𦰩又作𦰩說見卷二𦰩覆也下載通作戴方言𦰩蒙覆也𦰩戴也小爾雅蓋戴𦰩蒙覆也班固西都賦云上反宇以蓋戴太元元文蒙南方也夏也物之脩長也皆可得而載也范望注云枝葉已成蒙覆於人上皆可𦰩載者是載與𦰩同義載各木皆作載隸書載字或省作載因譌而爲載今訂正

風吹也

曾何也

方言會何也湘潭之原荆之南鄙謂何爲會
若中夏言何爲也何各本譌作阿今訂正

風放也

釋名云風放也氣放散也又柴誓馬牛其風魯世家
集解引鄭注云風走逸也僖四年左傳唯是風馬牛
不相及也柴誓正義引賈逵注云風放也牝牡相誘
謂之風風又音諷小雅北山篇或出入風議鄭箋云
風猶放也

流演也

說文演長流也周語夫水土演而民用
也文選長笛賦注引賈逵注云演引也

徇巡也

徇巡古同聲而通用桓十三年左傳莫敖使徇于師
宣四年傳王使巡師是徇卽巡也泰誓釋文引字詁
云徇巡也爾雅釋言釋文引字詁云徇今巡字巡
各本皆作迷巡隸或作迷因譌而爲迷今訂正

賧

各本皆作賧賧也案賧與賧義不相近此因賧下脫去二字而下文賧賧也又脫去賧字遂誤合爲一條今訂正廣韻賧賧也義或本於廣雅

賧賧也

周官泉府凡賧者鄭衆注云賧賧也史記高祖紀常從王媼武負賧酒集解引韋昭曰賧賧也各本脫賧字高祖紀索隱及衆經音義卷十二並引廣雅賧賧也今據以補正

賧賧也

文選博奕論賧賧及衣物李善注引卑倉云賧賧也

壓鎮也

經徑也

釋名經徑也常典也如徑路無所不通可常用也

卦挂也

易乾鑿度云卦者挂也挂萬物視而見之

譬喻也

睽非也

序卦傳文

天顛也

太平御覽引春秋說題辭云天之爲言顛也居高理下爲人經緯故立字一大爲天天各本訛作天今訂正

飢設也

廣雅疏證

卷第五上

三

說文載設餌也讀若載大雅旱麓篇清酒既載文選
面征賦注引薛君韓詩章句云載設也士昏禮云匕
俎從設北面載載與載通載爲陳設之設又爲假設
之設法言先知篇或曰載使子草律曰吾不如宏恭
李軌注云
載設也

竹臧也

白虎通義說臧服云所以杖竹桐
何取其名也竹者臧也桐者痛也

馮登也

周官馮相氏注云馮乘也相視
也世登高臺以視天文之次序

眩惑也

宥赦也

參三也

令伶也

秦風車鄰篇寺人之令
韓詩作伶云使伶也

紉擘也

說文紉繩繩也王篇紉繩縷也展而續之也楚辭難
方音擘楚謂之紉郭璞音刃今據以訂正各本所載
曹憲音釋擘下有古萬二字案古萬反非擘字之音
卷一云云擘曲也曹憲音古萬反疑此條下尚有擘
也三字而古萬則擘字之音也擘之言屈辟擘之言
卷曲也卷四云擘擘曲也說文訓詰曲也一曰屈
又云擘擘衣也士喪禮注云以席覆重辟屈而反兩
端交於後莊子田子方篇口辟焉而不能言司馬彪
注云辟卷不開也卷與擘通辟擘並與擘通紉訓爲
擘擘又訓爲擘所以別異義也若
上文羌訓爲卿卿又訓爲章矣

夜暮也

寐臥也

嶠諫也

玉篇引埤倉云嶠不知是誰也方言諫不知也沅澧之間凡相問而不知荅曰諫

國邦也

義宐也

祭義云義者宐此者也中庸云義者宐也

漉滲也

說見卷一滲漉盡也下漉與漉同

勝久也

幽風七月篇三之日納于凌陰毛傳云凌陰冰室也凌說文作勝冰說文作久

害割也

義典湯湯洪水方割傳云割害也釋名云害割也如割創物也害割古同聲而通用大誥天降割于我家馬融本作害

蹟寔也

淮南子原道訓先者蹟陷高誘注云楚人謂蹟爲蹟原道訓又云足蹟越垣蹟與蹟通蹟與寔通

駟會也

會或作儉衆經音義卷六引聲類云儉合市人也呂氏春秋尊師篇段干木晉之大駟也高誘注云駟儉人也史記貨殖傳子貸金錢千貫節駟會漢書作儉顏師古注云儉者合會二家交易者也駟者其首率也

焯豎也

焯豎也

說文焠堅刀也。又云：堅，剛也。徐鍇傳云：焠，刀劍刃使堅也。焠與焠通。燕策云：得趙人徐夫，人之匕首，使工以藥焠之。文選：聖主得賢臣，頌清水焠其鋒。李善注：引郭璞三倉解詁云：焠，作刀刃鑿也。漢書王褒傳：注云：焠，謂燒而內水中，以堅之也。天文志：火與水合為焠。晉灼注云：火入水，故曰焠。

恩齋也

棹統也

皆未詳棹，皇甫本作棹。

內裏也

課第也

謂品第之也。逸周書大匡解云：程課物徵。

況茲也

小雅常棣篇況也永歎毛傳云況茲也大雅桑柔篇倉兄填兮傳云兄滋也兄與況通茲與滋通晉語衆況厚之韋昭注云況益也益亦滋也

茲今也

憂懷也

詳未

收振也

中庸振河海而不泄鄭注云振猶收也孟子萬章篇云金聲而玉振之也周官職幣掌式灋以斂官府都鄙與凡用邦財者之幣振掌事者之餘財斂振皆收也故鄭注云振猶拊也檢也廣雅卷三云拊收也孟子梁惠王篇注云檢斂也賈疏云以財與之謂之拊知其足剩謂之檢皆失之秦風小戎篇小戎倭收毛傳云收軫也正義云軫所以收斂所載故名收軫與振亦聲近義同

摻捋也

周南關雎篇參差荇菜左右流之流與摻通謂捋取之也捋流一聲之轉左右流之左右采之猶言薄言采之薄言捋之耳下文云左右芼之流采芼皆取也芼芼傳云采捋取也卷一云采芼取也此云摻捋也義竝相通

摻操也

鄭風遵大路篇摻執子之祛兮毛傳云摻擊也說文擊撮持也

泌流也

邶風泉水篇泌彼泉水毛傳云泉水始出泌然流也韓詩作泌說文作泌陳風衡門篇泌之洋洋毛傳云泌泉水也說文泌駛流也並字異而義同

宿留也

膏滑澤也

又

各本皆作又括也案諸書無訓又爲括者此因本條內有脫文而下條檢括也又脫去檢字遺誤合爲一條今訂正

檢

括也

檢括一聲之轉文選辨亡論注引薛君韓詩章句云括約束也法言君子篇蓋迪檢押李軌注云檢押猶隱括也蔡邕薦過讓書云檢括並合各本脫檢字衆經音義卷六卷十四並引廣雅檢括也今據以訂正

社封也

哀四年公羊傳社者封也何休注云封土爲社

愿慤也

風氣也

姦僞也

兵防也

高誘注淮南子兵略訓云兵防也防亂之萌

乾剛也

見雜卦傳

繹摺也

說文繹摺絲也摺與抽同

忍耐也

片禪也

單與單通各本
譌作禪今訂正

妊娠也

粹純也

專擅也

虞驚也

崔駰北征頌云雍
容清廟謚爾無虞

康淩也

說文尿人小便也古通作溺晉語
少淩于豕牢韋昭注云淩便也

偃仰也

說見卷四
偃偃也下

浮湫也

𠂔𠂔也

說文𠂔𠂔問也玉篇音市照切各本皆脫
𠂔字集韻引廣雅𠂔𠂔也今據以補正

侵凌也

卻退也

退各本誤作
退今訂正

蹶踣也

皆謂蹶也蹶字亦作蹶踣字亦作蹶又作蹶說文蹶
蹶也漢書申屠嘉傳材官蹶張淮南子說林訓云游
力能腳踏彊弩張之故曰蹶張淮南子說林訓云游
者以足蹶以手拂又脩務訓云夫馬之為草駒之時
蹶蹶足以破盧陷旬莊子馬蹄篇馬怒則分背相蹶
李頤注云蹶蹶也月令游牝別羣則繫騰駒鄭注云

爲其壯氣有餘相蹄齧也說文蹏蹏也蹏與蹏古亦通用兩雅蹏泄苦東釋文蹏本亦作蹏是其證矣蹏語蹏而趨之韋昭注云蹏走也呂氏春秋貴直篇云狐援聞而蹏往過之說文蹏走也蹏也蹏也蹏也儀傳蹏前蹏後索隱云言馬之走勢疾也義並與蹏同淮南子脩務訓墨子蹏蹏而蹏千里高誘注云蹏疾行也蹏蹏走也蹏與蹏通漢書武帝紀馬或奔蹏而蹏千里奔蹏猶奔逸也馬奔逸則有覆車之患故下文云泛駕之馬亦在御之而已顏師古訓蹏爲蹏之失

跌蹏也

困悴也

彫鏤也

歲遂也

廣雅疏證

卷第五上

无

太平御覽引春秋元命包云歲之爲言遂也白虎通義云歲者遂也三百六十六日一周天萬物畢成故

爲一歲也

遂育也

樂記氣衰則生物不遂史記樂書遂作育

禮體也

禮器云禮也者猶體也大戴禮曾子大孝篇云禮者體此者也定十五年左傳云夫禮从生存亡之體也

璋的也

說文璋射臬也臬射準的也準與璋通亦作塾韋周官司裘注云侯者以虎熊豹麋之皮飾其側又方制之以爲臺謂之鵠著于侯中列子仲尼篇云前矢造準而無絕落太元菁次三師或導射豚其璋范望注云璋射的也後漢書齊武王傳畫伯升像於塾旦起射之東觀記續漢書並作璋小雅賓之初筵篇發彼

有韵毛傳云韵質也淮南子原道訓
注云質韵射者之津漿也漿與泉同

奮訊也

奮振也

扒擘也

卷一云擘分也扒之言別也淮南子說林訓解梓者
不在於捌格在於批抗高誘注云批擊也抗推也擊
其要也此言解梓者不在於分別架格但擊其要則
梓自解也捌與扒同說文八別也義與扒亦相近

醒長也

醒與長義不相近凡病酒謂之醒煩病亦謂之醒小
雅節南山篇憂心如醒毛傳云病酒曰醒是醒爲病
酒也管子地員篇云五沃之土其人堅勁寡有疥騷
終無疢醒枚乘七發云噓唏煩醒是醒爲煩病也玉
篇醒陳貞切廣韻直貞切陳貞直貞竝與長貞同音
疑此條醒下脫去一字其長字則反語之上一字誤

黃淮流登

卷第五上

三

入正
文也

播抵也

未詳

對倉也

倉經傳
通作答

請乞也

沽搭也

字書無沽字沽當爲沽或當爲苦搭當爲略皆字之誤也沽者粗略之意檀弓以爲沽也鄭注云沽猶略也喪服傳冠者沽功也鄭注云沽猶嚴也周官典婦功辨其苦良鄭衆注云苦讀爲監謂分別其縑帛與布紵之嚴細唐風揚羽傳云監不攻綴也竝字異而義同

齧鹹也

說文齧鹹也從齒差省聲河內謂之齧沛人言若盧曲禮鹽曰鹹𩚑鄭注云大鹹曰𩚑今河東云着齧𩚑並同說文齧𩚑魚也南方謂之𩚑北方謂之齧周官庖人注作𩚑𩚑魚也即今之鹹魚也爾雅漬𩚑鹹苦也郭璞注云苦即大鹹釋文𩚑作𩚑鹹謂之𩚑又謂之𩚑鹹魚謂之𩚑又謂之𩚑其義一也舊各本譌作着今訂正

沾益也

說見卷一

拊陞也

拊亦作拯說見卷三拊拔也下

馴擾也

優通作優說見卷一
優馴善也下

族率也

說見卷三湊族聚也下白虎通義云正月律謂之太族何太者大也族者湊也言萬物始大湊地而出也族族聲近義同

威德也

周頌有客篇既有淫威降福孔夷正義云言有德故易福風俗通義十反篇云書曰天威棗謨言天德輔誠也呂氏春秋應同篇引黃帝曰

眇莫也

衆經音義卷二十一引此而釋之曰言遠視眇莫不知邇際也楚辭九章云路眇眇之默默莊二十八年左傳云秋之廣莫

任保也

說文任保也。襄二十一年左傳云不能保任其父之勞。

刑例也

說見卷三刑式也下

舉遷也

說文舉升高也。或作舉。隸省作遷。漢志多以遷為遷字。

穀培也

說文穀未燒瓦器也。玉篇音苦谷切。穀之言設也。說文穀素也。易乾鑿度云太素者質之始也。方言穀。也。說文穀未練治也。字通作穀。論衡量知篇云無染練之治。名曰穀。玉篇穀。土擊也。穀穀。穀穀。並音苦谷反。義相近也。穀各本譌作穀。集韻類篇並引廣雅。穀培也。今據以訂正。培曹憲音片。回反。說文坏瓦

未燒也淮南子精神訓云夫造化者既以我爲坏矣
太元千次五或錫之坏范望注云坏未成瓦也坏與
培通坏之言胚胎也郭璞爾雅注云胚胎未成物之
始也說文胚婦孕一月也胚疑血也玉篇醅未釀之
酒也坏胚醅醅並音
片回反義亦相近也

慘惻也

卷二云忼慘貪也爾雅惻貪也昭元年左傳斂歲而
謁曰杜預注云斂惻皆貪也晉語作忼日而斂歲忼
斂通

戰憚也

白虎通義引書大傳云戰者憚警之也大戴禮曾子
立事篇云君子終身守此戰戰又云君子終身守此
憚憚憚憚亦戰戰也魯語帥大饒以憚小國說苑正
諫篇作戰莊子達生篇以鈎注者憚呂氏春秋去尤
篇作
戰

祭際也

春秋繁露祭義篇云祭之爲言際也

漂漑也

漢書韓信傳有一漂母哀之韋昭注云以水擊絮曰漂說文漑於水中繫絮也莊子逍遙遊篇世世以汧漂統爲事李頤注云汧汧統者漂絮於水上統絮也漂漑汧汧一聲之轉漂之言漂漑之言擊汧之言批汧之言批皆謂擊也互見卷三擊漂擊也及下文彈拊也下

孝畜也

祭統云孝者畜也順於道不逆於倫是之謂畜正義引援神契云天子之孝曰就諸侯曰度大夫曰譽士曰究庶人曰畜分之則五總之曰畜皆是畜養但功有大小耳孝經正義引援神契云庶人行孝曰畜言能躬耕力農以畜其德而養其親也孝畜古同聲故孝訓爲畜畜亦訓爲孝孔子閒居無服之喪以畜萬

廣雅疏證

卷第五上

三

邦鄭注云畜孝也使萬邦之民競為孝也坊記詩曰先君之思以畜寡人注云此衛夫人定姜之詩也定姜無子立庶子衎是為獻公畜孝也言獻公當思先君定公以孝於寡人

更償也

周官馬質馬从則旬之內更鄭眾注云更猶償也檀弓請庚之鄭注云庚償也襄三十年公羊傳諸侯相聚而更宋之所喪何休注云更復也如今俗名解浣衣復之為更衣管子國蓄篇愚者有不贖本之事尹知章注云贖猶償也更庚贖並通

誦悅也

悅與詭通各本皆作誦悅美也案誦悅二字諸書無訓為美者此因悅下脫去也字而下文傀美也又脫去傀字遂誤合為一條今訂正

傀美也

後漢書班固傳因瑰材而究奇李賢注引埤倉云瑰
璋珍奇也瑰與傀通說文瑰珠圍好也成十七年左
傳或與己瓊瑰傀杜預注云瑰珠也亦美之義也各本
脫傀字廣韻傀美也衆經音義卷十引廣雅傀美也
今據以補正傀偉與誦悅義相近故次
於誦悅也之下若徑合爲一則非矣

言祀也

言與享同各本
譌作畐今訂正

堯曉也

白虎通義云謂之堯者何堯猶曉曉也至高之貌清
妙高遠優游博行衆聖之主百王之長也餘見卷四
曉高也下玉篇引白虎通義堯猶曉曉又引廣雅堯
曉也則所見本與今異風俗通義云堯者高也曉也
言其隆興煥
炳最高明也

畏威也

襄三十一
年左傳云有威而可畏謂之威
皋陶謨天明畏自我民明威
馬融本畏作威
威畏古同聲而通用

如若也

應受也

爾雅應當也當亦受也
周頌賚篇云我應受之
晉語其叔父寔應且信以非余一人
韋昭注云應猶受也
楚辭天問摩何磨之王逸注云磨受也磨與應通

裕足也

摸撫也

方言摸撫也郭璞注云訓撫循也釋名云門捫也
在外爲人所捫摸也今俗語猶謂撫曰摸

毒憎也

說見卷三毒
憎惡也下

趙衝也

衝或作衝說文趙走也玉篇云卒起走也是趙爲衝也趙猶堀也文選風賦夫庶人之風塢然起於窮巷之間堀堦揚塵勃鬱煩冤衝孔竅門李善注云堀堦風動塵也引廣雅堀突也突亦衝也互見卷四衝堀拱也下趙堀並音渠屈反

睿聖也

覲仞也

未詳各本覲譌作覲惟影宋本不譌覲曹憲音親刀反考玉篇覲音千刀切廣韻音七遘切集韻類篇音七刀切並與覲刀同音若覲字則音初覲反不音覲刀反今定從影宋本

乃汝也

造詣也

姣侮也

姣通作佼。淮南子覽冥訓云：鳳皇之翔至德也，燕雀佼之，以爲不能與之爭於宇宙之間。佼者，侮也。言燕雀輕侮鳳皇也。上文云：赤螭青蚪之游冀州也，蛇黿輕之以爲不能與之爭於江海之中，是其證也。高誘注云：燕雀自以爲能佼健於鳳皇，失之。

將且也

將請也

衛風氓篇：將子無怒。毛傳云：將，願也。鄭箋云：將，請也。鄭風將仲子篇：將仲子兮。小雅正月篇：將伯助予。毛傳並云：將，請也。

將帥也

止禮也

小雅小旻篇國雖靡止鄭箋云止禮也大雅抑篇云叔慎爾止不愆于儀鄭風相鼠篇云人而無儀人而無止人而無禮是止即禮也故韓詩云止節也無禮節也鄭箋云止容止也容止亦禮也襄三十一年左傳云容止可觀

棄擗也

擗也

竝見卷一捐

含噍也

哈玉篇音胡紺切衆經音義卷十一引埤倉云噍哈也謂掌進食也喪禮以玉實口曰含義與此同也噍玉篇音一感切今俗語猶謂掌進食曰噍

啐歃也

說文歃歃也餘見卷三啐嘗也下

𢲏賈也

詳未

陷濇也

顛倒也

顛通作顛

莫漠也

漠怕也

竝見卷四怕慕靜也下怕通作泊今本怕上無漠字文選張華勵志詩及盧諶時興詩注竝引廣雅漠怕

也。今據以補正。又案今本無漢字者。後人以此漢字爲重。出而刪之也。下文毓長也。毓稚也。最久也。最鄉也。陶喜也。陶憂也。陶清也。陶泥也。皆刪去後一字。正與此同。不知廣雅屬辭之例。皆本於爾雅。爾雅釋言之文。每因一字而引伸其義。有因上一字而連及之者。若爽差也。爽忒也。基經也。基設也。之類是也。有因下一字而連及之者。若流覃也。覃延也。速徵也。徵召也。之類是也。廣雅釋言亦用此二例。若上文羌乃也。羌卿也。奮訊也。奮振也。之類。皆因上一字而連及之者也。若廁閒也。閒非也。況茲也。茲今也。及此條莫漢也。漢怕也。之類。皆因下一字而連及之者也。凡如此者。或義同而類及。或義異而別訓。屬辭比事。各有要歸。若改其文云。羌乃也。卿也。莫漢也。怕也。則是傳注解經之體。非爾雅釋言之例矣。後放此。

衻褰也

衻褰皆屈也。衻之言句也。衻服記裳幅三衻。鄭注云。衻者謂辟兩側。空中中央也。疏云。案曲禮以衻脩置者。左胸右末。鄭云。屈中曰胸。則此云衻者亦是屈中之稱。一幅凡三處屈之。辟兩邊相著。自然中央空矣。餘

見卷四
襍詁與辟屈通

弃坑也

寇鈔也

下文云
鈔掠也

殃咎也

需頤也

需象傳云需須也雜卦傳云需不進也須與頤通各本頤誤作頤今訂正

禘祫也

祫集韻類篇竝作祫未知其審釋天云禘祭也

覽觀也

咸感也

咸象傳文

矧豫也

矧通作選晉語云豫樂也

淫游也

曲禮毋淫視正義云淫謂流移也目當直視不得流動邪眴也是淫為游也文選長門賦神侃侃而外淫李善注引廣雅淫游也

瑞符也

剝爛也

雜卦傳文也剝各本謬作剝今訂正

黃雅疏證

卷第五上

三

偃僂也

說見卷一個
僂曲也下

諸於也

於于也

占瞻也

說見卷一
占視也下

周旋也

隸墜也

諸書無訓肆爲墜者肆墜也當是墜逮也之譌逮字
隸書作逮與肆字相近因譌而爲隸爾雅過逮逮也
郭璞注云皆相逮及方言作蜎墜云東齊曰蜎比燕
日墜逮通語也即風日月篇逝不古處毛傳云逝逮

政隱也

也唐風有杖之杜篇雖肯通我傳云變達也近變
並通廣雅釋詁釋言之文固多與爾雅相類者矣
國二十九年左傳官宿其業其物乃至若泯棄之物
乃坻伏釋文坻音旨又丁禮反坻與政通坻伏謂隱
也伏

簡閱也

桓六年左傳云
大閱簡車馬也

質軀也

質地也

鄉射禮記天子熊侯白質諸侯麋侯
赤質鄭注云白質赤質皆謂采其地

慶賀也

月身正言
祇適也

小雅我行其野篇亦祇以異毛傳云祇適也祇
音支字從氏各本作祇非祇音脂敬也字從氏

蓋黨也

脰饌也

皆未
詳

暗啗也

玉篇語大聲也史記淮陰侯傳項王暗啗叱咤漢書
作意易粹嗟晉灼注云意易悲怒聲也語暗意古字
通說文語大聲也或作啗史記信陵君傳晉鄙嗟啗
宿將正義引聲類云嗟大喚啗大呼燕策云恣睢齧
擊响籍叱咤太元樂次三云嗶嗶啗啗啗啗啗
籍竝與啗同考工記鳧氏鍾侈則祚鄭注云祚讀爲
也義與啗亦相近

噉噉也

說見心二噉
噉鳴也下

軫礙也

說見卷一軫
礙至也下

踞央也

踞字或作渠又作巨又作遽卷一云央盡也卷四云
央已也小雅庭燎箋云夜未央猶言夜未渠央也釋
文引說文央已也古辭相逢行云調絲未遽央左思
魏都賦云其夜未遽庭燎晰晰集韻下央也通作踞
諸書或言未央或言未遽或言未遽央其義一也卷
三云踞久也說文央久也久謂之踞亦謂之央猶已
謂之央亦謂之踞矣

非遽也

廣雅疏證

卷第五上

四十一

說文非違也桓六年左傳云謂其上下皆有嘉德而無違心也違心即非心玉藻云非辟之心是也

貫穿也

僣佞也

齊風盧令篇其人美且僣毛傳云僣才也成十三年左傳寡人不佞服虔注云佞才也

讖誕也

見下文誇讖也下

初九日申刻點竟時積雨乍晴氣頗涼爽

廿六日辰刻校午晴即起乘早涼出徑縣東門瑞蓮坊看白荷花甚盛田塍又

詣趙家宗祠並園神武廟看荷花

廣雅疏證卷第五上

廣雅疏證卷第五下

高郵王念孫學

釋言

霽令也

皆謂善也。齊侯鐘銘：霽命難老。卽令命也。微緡鼎銘：永令。霽卽令終也。虞敦銘：霽令。卽令終。令命也。盤庚：弔由靈。傳云：靈善也。正義以爲爾雅釋詁文。今爾雅作令。鄭風：定之方中。篇：靈雨旣零。鄭箋云：靈善也。石鼓文：作霽。雨霽靈令。聲義並同。互見卷一。靈善也。下：令各事。譌作令。今言正。

免隕也

未詳

科藜也

說見卷三
科本也下

毀虧也

誓制也

爾雅誓謹也郭璞注云所以約勅謹戒衆說文誓約束也釋名誓制也以拘制之也各本譌作制誓也今訂正

謂指也

指而言之曰謂隱元年公羊傳云王者孰謂謂文王也

節己也

己猶止也

居據也

釋名云據居也晉語今不據其安韋昭注亦云

據杖也

說文據杖持也邶風柏舟篇云不可以據

如均也

堯典云如五器

子已似也

未詳

注

此與下文義不相屬當有脫文不可考矣

理媒也

楚辭離騷云吾令蹇脩以爲理又云理弱而媒拙兮

滔漫也

說文滔水漫漫大兒堯典云浩浩滔天大雅蕩篇天降滔德毛傳云滔慢也水漫曰滔人慢曰滔其義一也故釋名云慢慢也漫漫心無所限忌也

吳趺也

吳之言傾側跌之言差跌也說文吳日面也又云厖日在西方時側也引離九三日厖之離今本作吳王嗣宗本作仄士蔭禮下篇作側穀梁春秋經作稷並字異而義同周官司市注云日厖昞中也史記天官書食至日昞爲稷漢書天文志作跌

妬嬭也

今俗語猶謂爭色曰嬭音若酒酢之酢

嫫嫫也

說見卷一嫫嫫如也下嫫與嫫同

秩程也

秩通作秩又作𣎵秩與程古聲義並同說文程品也又云𣎵爵之次弟也引堯典平𣎵東作今本作平秩史記五帝紀作便程說文𣎵從呈聲𣎵從𣎵聲讀若詩載載大猷今本作秩秩

腩脂也

說見釋器

輸寫也

小雅蓼蕭篇我心寫兮毛傳云輸寫其心也枚乘七發云輸寫渙濁引之云周語陽氣俱烝土膏其動弗震弗渝脈其滿膏渝當讀爲輸謂輸寫其氣使達於外也左氏春秋隱六年鄭人來渝平公羊穀梁作輸

廣雅疏證 卷第五下

三

平是淪輸古字通此言當土脈盛發之時不即震動之輸窮之則其氣鬱而不出必滿塞而為災也韋注訓淪為變於上下文義稍遠矣

縣抗也

說見卷四
抗縣也下

朔蘇也

蘇與蘇通說文朔月一日始蘇也白虎通義云月言朔何朔之言蘇也明肖更生故言朔也論語為政篇皇侃疏引書大傳云夫正朔有三本天有三統明王者受命各統一正也朔者蘇也革也言萬物革更於是故統焉爾雅朔北方也堯典正義引李巡注云萬物盡於北方蘇而復生故言朔也是凡言朔者皆復蘇之義也

道遠也

道逖與
錯交通

汜普也

汜各本譌作
汜今訂正

資操也

資與齋通說見卷
三操齋持也下

緊糾也

說見卷一緊
糾急也下

款叩也

呂氏春秋愛士篇夜款門而謁
高誘注云款叩也款與款同

仰和也

廣雅疏證

卷第五下

徇營也

衆經音義卷十七引倉頡篇云徇求也莊子駢拇篇
小人則以身殉利司馬彪注云殉營也殉與徇通說
文雙營求也雙與徇古聲義亦同邶風擊
鼓篇于嗟洵兮韓詩洵作雙是其類矣

民氓也

供養也

序射也

說見卷一
庠養也下

侯侯也

春秋繫露淺察名號篇云號爲諸侯者宜謹視所侯
率之天子也王制正義引春秋元命包云侯者侯也
侯王順道也又周官小祝掌小祭祀將事侯禋禘祠
之祝號鄭注云侯之言侯也侯嘉慶祈福祥之屬

位莅也

莅或作泣傳三年穀梁傳云莅者位也古者位莅立三字同聲而通用周官鄉師執斧以泣匠師鄭注云故書泣作立鄭司農云立讀爲泣小宗伯掌建國之神位注云故書位作立鄭司農云立讀爲位古者立位同字古文春秋經公即位爲公即位立肆師用牲于社宗則爲位注云故書位爲泣杜子春云泣當爲位各本莅下脫去也字遂與下條相連孝經正義引廣雅位莅也今據以補正

祿也

祿下蓋脫錄字位莅祿錄皆取同聲之字爲訓周南樛木正義引孝經援神契云祿者錄也上所以敬錄接下下所以謹錄事上白虎通義同

要約也

通竅也

劓劓也

說見卷一劓劓斷也下劓與刖同

御侍也

檜距也

說文檜哀柱也又云定距也定距與檜距同考工記弓人維角定之鄭眾注云定讀如穿距之象車穿之穿司馬相如長門賦云離機梧而相檜漢書匈奴傳云陳遵與單于相穿距竝字異而義同檜各本譌作挫自宋時本已然故集韻類篇竝引廣雅挫距也考說文玉篇廣韻俱無挫字今訂正

礙闕也

礙與闕同聲而通用說文礙止也小爾雅闕限也列子黃帝篇云雲霧不礙其視又云物無得傷闕者乃命篇云孰能礙之太元難次六云二礙于山下觸于川竝字異而義同

闌閑也

說文闌門遮也楚語爲之闌籬蕃籬而遠備閑之韋昭注云閑闌也闌通作蘭魏策云有何山以蘭之史記魏世家作闌

鐫鑿也

方言鐫杯也晉趙謂之鐫說文鐫破木鐫也一曰琢石也淮南子本經訓鐫山石高誘注云鐫猶鑿也求金玉也鹽鐵論通有篇云鑽山石而求金銀鑽與鐫聲近義同

水渾也

管子水地篇云水者萬物之渾也白虎通義云水之爲言渾也養物平均有渾則也水與渾古同聲而通周考工記輪人輪注則利渾栗氏權之然後渾之故書渾竝作水

睽睽也

玉篇眈目瞬也廣韻云目眇視也衆經音義卷一引通俗文云一目眨曰瞵瞵與瞵同

剝天也

鄭注王制云天斲殺也說文剝絕也引甘誓天用剝絕其命今本作剝管子五行篇云數剝竹簡漢書外戚傳云命操絕而不長竝字異而義同

綴等也

冤桂也

簪著也

說文書著也釋名書庶也紀庶物也亦言著也著之簡紙永不滅也賈子道德說篇云著此竹帛謂之書書者此之著者也

刊切也

切膾也

竝見卷一創刊切斷也下創與
胎通刊各本譌作利今訂正

委

累也

各本皆作委闕也案委與闕義不相近此因委下脫
去累也二字而下文闕下又有脫字遂誤合爲一條
文選緒白馬賦注云廣雅曰委累也言累加之也今
據以補正委之言委積也大戴禮四代篇云委利生
孽

闕也

小雅節南山傳云闕息也大射儀注
云闕止也文王世子注云闕終也

牽挽也

劇利也

說見卷二

圖創也

說見卷四剛創創也下

譊是也

大學引大甲顧譊天之明命鄭注云譊猶正也譊文正是也是譊聲義竝同

君羣也

逸周書太子晉解云侯能成羣謂之君荀子王制篇云羣者善羣也羣道得則萬物皆得其安六畜皆得其長羣生皆得其命韓詩外傳云君者何也曰羣也羣天下萬物而除其害者謂之君

臣繕也

白虎通義云臣者繕也堅也屬志自堅固也繕與繕通

愛優也

說見卷一翳愛也及卷二
箋障也下愛優愛並通

指斥也

詠諧也

說見卷二詠
諧諷也下

書如也

書序正義引璿璣鈴云書者如
也寫其言如其意情得展舒也

凌暴也

麟轅也

說文麟車所陵也又云麟轅也漢書司馬相如傳云
掩菟麟鹿又云蘭元鶴亂昆雞又云徒車之所闕麟

廣雅疏證

卷第五下

八

王商傳云百姓奔走相蹂躪後漢書班固傳云蹂躪其十二三竝字異而義同

譙謫也

末衰也

繫辭傳云殷之末世

學剖也

憤盈也

說見卷一

劇判也

說見卷一判劇分也下

饒也

饒說文玉篇廣韻並作饒說文饒噦也噦小會也噦
曹憲音祈各本脫去噦字其音內祈字又誤入正文
集韻類篇並引廣雅饒祈也則宋時廣雅本已誤案
諸書無訓饒爲祈者史記司馬相如傳唯唯芝英兮
噦瓊華徐廣音義云噦音祈小會也顏師
古漢書注云噦音機又音祈今據以訂正

係經也

係與素通素經皆常也法也宣十一年左傳云不愆
于素土噦禮獻素鄭注云形法定爲素素與索古同
聲故索亦訓爲法定四年左傳疆以周索杜注云索
法也正義引考工記量器銘時文思索鄭注考工記
云言是文德之君思求可以爲民立法者而
作此量鄭風定之方中箋引考工記索作素

貢功也

說文貢獻功也禹貢厥貢漆絲鄭注云貢者百功之
府受而藏之周官大宰賦貢以馭其用注云貢功也
九職之功所稅也曲禮五官致貢曰
享注云貢功也致其歲終之功於王

踉蹠也

未詳

翹尾也

說文翹尾長毛也楚辭九歎云搖翹奮羽

懲恐也

繫辭傳云小人不威不懲是懲爲恐也字亦作承哀四年左傳諸大夫恐其又遷也承杜預注云承音懲蓋楚言

書記也

摑拊也

未詳

陞陟也

方言陞陟也郭璞注云江南人呼梯爲陞所以陞物而登者也音割切也案陞陟皆長貌也方言黹短也陞陟也述長也三者文義相承廣雅卷二云陞長也曹憲音牛哀反漢書司馬相如傳臨曲江之陞州字張注云陞長也陟玉篇音於奇切說文陟上黨陟氏阪也小雅節南山篇有實其猗毛傳云猗長也猗與陟通淮南子本經訓積牒旋石以純脩猗女選吳都賦注引許慎注云猗長遣也猗與陟亦聲近義同

媵託也

說見卷三媵託寄也下侂與託同

適悟也

方言適悟也郭璞注云相觸迂也悟與悟通史記韓非傳云大忠無所拂悟是也適之言枝也相枝悟也枝適語之轉小雅我行其野傳云祇適也祇之轉爲適猶枝之轉爲適矣

梗略也

方言梗略也郭璞注云梗概大略也張衡東京賦故粗謂賓言其梗槩如此薛綜注云梗槩不纖密言粗舉大綱如此之言也

鏽燥也

卷二云燥鏽乾也

姬基也

肅少孫續三代世表云堯立后稷以爲大農姓之曰姬氏姬者本也太平御覽引春秋元命包注云姬之言基也

優渥也

獻疑也

疑之言擬議也說文獻議臯也漢書景帝紀云諸獄
廷若雖文致於法而於人心不厭者輒獻之獻與獻
同漢書龜銘傳通關去塞不孽諸侯如淳注云孽
疑也去關禁明無疑於諸侯孽與獻義亦相近

掄貫也

說文掄
貫也

囙囙也

囙囙二字曹憲並音由玉篇囙囙並余周五戈二切
鳥媒也廣韻囙囙並以周切囙又五禾切案囙與
義同而音異囙從化聲讀若譌囙從絲聲讀若山廣
雅囙囙也則二字之不同音甚明玉篇廣韻廣雅音
合囙囙為一字皆非也說文囙字注云譯也從口化
聲率鳥者繫生鳥以來之名曰囙讀若譌則囙與囙
異音其囙字注當云囙也從口絲聲而今本云囙或
從絲則後人據玉篇改之也潘岳射雉賦恐吾游之
晏起慮原禽之罕至徐爰注云游雉媒名江淮閒謂
之游游即囙之俗字不得與囙同音龍龕手鑑囙音

由四五禾反與玉篇廣韻異當別有所本也

齋持也

說見卷三

彈拚也

說文拚彈也拚與拚同衆經音義卷十四引仲長統昌言云繩墨得拚彈

選亾也

購償也

說文購巨財有所求償也

摘恭也

未詳

賈尊也

賤卑也

梨缺也

史記司馬相如傳挈三神之驪集解引韋昭云挈缺也漢書毋將隆傳契國威器李奇注云契缺也挈契竝與梨通

傅敷也

傅敷古同聲而通川堯典敷奏以言漢書宣帝紀作傅禹貢禹敷土史記夏本紀作傅

摘摘也

說文摘偏引也小雅小弁篇伐木摘矣毛傳云伐木者摘其顛幽風七月篇摘彼女桑傳云角而束之曰摘正義云襄十四年左傳譬如捕鹿晉人角之諸戎摘之則摘角皆遮截束縛之名也故云角而束之曰摘

荷角換荷
折古通用

孝度也

孝經正義引援神契云諸侯行孝曰度言奉天子之法度得不危溢是榮其先祖也

州浮也

驛肥也

說見釋親
驛驛也下

榑廊也

榑字亦作柳鄭注檀弓云榑大也言榑大於棺也白虎通義云柳之爲言廊所以開廊辟土無令迫棺也釋名云柳廊也廊落在城外也郭與榑亦同義郭廊也廊落在城外也郭與榑亦同義

陰闔也

說文陰闇也陰闇古同聲而通用
無逸乃或亮陰瘞服四制作諒闇

迪蹈也

迪蹈古同聲皋陶
謨云允迪厥德

離扶也

說文麗旅行也字或作儷又作離玉篇云字
書離與儷同說文扶並行也讀若伴侶之作

并兼也

穰豐也

則卽也

卑庫也

綢緞也

爾雅素錦澗杜郭璞注云以白地錦韜旗
之竿鄉射禮記作緇緇緇韜字異而義同

跑趯也

玉篇跑蹴也釋名云電跑也其所中物皆摧折如人所蹙跑也蹙與蹴同玉篇趯足擊聲卷三云擗擊也張衡西京賦流鏑擗擗薛綜注云擗擗中聲也擗與跑擗與趯聲義並相近

妨娉也

說見卷三娉
妨害也下

鼎磔也

說文鼎到首也賈侍中說此斬首到縣鼎字亦通作鼎說文鼎不孝鳥也日至捕磔鼎之從身首在木上又云磔磔也從舛在木上是磔與鼎同義

辟法也

爾雅辟法也酒誥云越尹人祗辟

乍暫也

墨子兼愛篇引泰誓云文王若日若月乍光于四方于面土字亦作乍又作詐定八年左傳桓子詐謂林楚杜預注云乍暫也僖三十二年公羊傳詐戰不日何休注云詐卒也

墾均也

夏小正農事均田傳云均田者始除田也鄭注禮云除治也卷三云墾治也周語云土不備墾

僉過也

邇之言過也夥也方言云凡物盛而多齊宋之郊楚魏之際曰夥自關而西秦晉之閒凡人語而過謂之邇或曰僉又云僉勛也僉夥也勛亦過甚之意

俚聊也

聊猶賴也秦策云民無所
聊餘見上文俚賴也下

驥企也

易是類謀在王驥用鄭注云驥庶幾也又文王世子
注引孝經說云大夫勤於朝州里驥於邑字或作冀
又作覲並同

扳援也

隱元年公羊傳諸大夫扳援而立
之何休注云扳引也義與攀同

煨火也

煨當憲音隈案卷四云煨煨也然則煨者以火溫物
不得直訓為火煨當為煨字之誤也方言煨火也楚
轉語也猶齊言火煨也郭璞注煨呼
隗反玉篇廣韻及汝墳釋文並同

遺離也

說見卷三

浮游也

凍澣也

凍字或作澣澣本一作澣說文凍澣也內則冠帶垢和灰請澣衣裳垢和灰請澣鄭注云手曰澣足曰澣正義云此澣澣對文爲例耳散則通也

梨刻也

說文梨刻也玉篇苦結切廣韻又苦計切爾雅契絕也郭璞注云今江東呼刻斷物爲契斷繫辭傳後世聖人易之以書契書序正義引鄭注云書之於木刻其側爲契定九年左傳盡俗邑人之車契其軸杜預注云契刻也荀子勸學篇鑿而舍之朽木不折大戴禮作楔淮南子木經訓鑄山石鑿金玉並字異而義同刻謂之契故刻薄謂之契薄後漢書劉陶傳寬契薄之禁李賢注云契刻也

劓剕也

玉篇劓減也剕也說文剕挑取也卷四云剕剕也

牟倍也

楚辭招魂成臯而牟呼五白些王逸注云倍勝爲牟淮南子詮言訓善博者不欲牟太平御覽引注云博以不傷爲牟牟大也進也義與楚辭注同倍勝謂之牟猶多取利謂之牟利故高誘注時則訓云牟多也

剗剗也

說兄卷三剗剗屠也下

剗鉤也

卷二云剗裂也玉篇剗丁侯切小裂也廣韻云剗剗小穿也鉤亦剗也玉篇廣韻並音圭云裂也

諠諠也

說文龍禮嫁也嫁與諫通
讀各本誤作讀今訂正

期卒也

期之言極也小雅南山有臺篇云萬壽無期萬壽無
疆魯頌嘏篇云思無疆思無期百年日期義亦同也

許與也

未乘也

踐踏也

曲禮云母踏
席踏與踏同

酌漱也

未詳

歆
渙也

歟字亦作噴又作溢衆經音義卷二十引三倉云噴噴也又引通俗文云含水溢曰湏莊子秋水篇云噴則大者如珠小者如霧易林噬嗑之兌云蒼龍銜水泉湏屋柱各本皆脫歟字衆經音義卷十九引廣雅歟湏也今據以補正

調啁也

說見卷四
啁調也下

諳牒也

蘇林注漢書禮樂志云牒諳第之也

齋慄也

孟子萬章篇引書夔夔齋栗史記周本紀乃告司馬司徒司空諸節齊栗信哉齋齊慄栗並通

狄辟也

災苗也

爾雅田一歲曰苗孫炎注云始災殺其草木也說文苗古文作𪔐是苗與災同義故經傳災字多𪔐作𪔐

恭肅也

泄洑也

洑與溢通禹貢云洑爲癸中庸云振河海而不泄是洑爲溢也洑各本譌作洑衆經音義卷八心十八二十五並引廣雅洑溢也洑漏也今據以訂正

泄漏也

固陋也

臺支也

方言臺支也釋名臺持也築土堅高能自勝持也持與支同義

表特也

楚辭九歌表獨立兮山之上王逸注云表特也

誇讖也

說文讖誕也誇讖也廣韻引東觀漢記云雖誇讖猶令人熱緒少孫續曰者傳夫卜者多言誇讖以得人情嚴與讖通讖各本譌作讖今訂正

氏抵也

氏讀氏羌之氏太平御覽引風俗通義云氏言抵冒貪饕至外好利也抵與抵通

廟兒也

兒與貌同書大傳云廟者貌也以其貌言之也桓二年左傳正義引白虎通義云宗者尊也廟者貌也象先祖之尊貌桓二年公羊傳注云廟之爲言貌也思想儀貌而事之周頌清廟箋云廟之言貌也外者精

神不可得而見但以生時之居立宮室象親爲之耳

貳汙也

貳當作膩玉篇膩垢膩也曹憲音有女史二字卽女史之譌

貳然也

未詳

齊整也

懷戰也

條枝也

扣掘也

說見卷三掘

扣穿也下

殃禍也

數術也

劣鄙也

鈔掠也

憇慎也

憇各本譌作憇惟影宋本皇甫本不譌論語泰伯篇
慎而無禮則憇何晏注云憇畏懼之貌大戴禮曾子
立事篇云人言善而色憇易近於不說其言荀子議
兵篇認認然常恐天下之一合而軋己也漢書刑法
志作鯁蘇林注云鯁音慎而無禮則憇之鯁鯁懼
貌也王延壽魯靈光殿賦云心惴惴而發悸竝字異
而義同卷四云慎恐也

妬遇也

、姤彖傳文也。
爾雅作遯同。

律率也

太平御覽引春秋元命包云律之爲言率也。所以率氣令達也。又引宋均注云率猶遵也。續漢書律歷志注引月令章句云律者清濁之率法也。周官典同注云律述氣者也。述與率通。中庸上律天時注亦云律述也。

賁情也

繫辭傳聖人有以見天下之賁。京房作噴云噴情也。太元元瑩云陰陽所以抽賁也。賁情也。賁噴竝與賁通。

祭析也

說見卷一析祭分也下。
析各本訛作折今訂正。

菽蓀也

菽之言茂蓀之言苞也爾雅云苞茂豐也又云苞蓀也孫炎注云物叢生曰苞漢書武五子傳頭如蓬蓀顏師古注云草叢生曰蓀呂氏春秋審時篇云得時之稻大本而莖蓀說文蓀草盛兒又云菽細草叢生也漢書律歷志冒蓀於耶顏師古注云蓀謂叢生也蓀與菽通互見釋訓菽蓀蓀蓀茂也下

誕訑也

玉篇誕訑言也方言云江湖之間凡小兒多詐而猶謂之姘姘姘也又云眠姘欺謾之語也姘與誕通說文沅州謂欺曰訑燕策云寡人甚不喜訑者言也訑與訑同

慘毒也

說文慘毒也莊子庚桑楚篇云兵莫憐于志鏑鉞爲下漢書陳湯傳云慘毒行於民谷永傳云擄篋瘡於炮烙竝字異而義同

遯是也

隱十一年左傳犯五不遯而以伐人釋文引倉頡篇云遯是也昭二十年傳云君子遯之薛綜注東京賦云遯善也善亦是也史記宋世家五是不備後漢書荀爽傳作五遯皆謂善也說文遯籀文作𨔵管子水地篇云水者違非得失之質也違亦與遯同

扼摘也

玉篇扼乃果切扼摘趙魏云也集韻云趙魏之間謂摘爲揲扼揲音烏果切

爲譌也

譌猶化也說見卷三薦七也下匕與化通

樊樊也

樊與攀同義樊與攀同義說文樊樊也樊驚不行也玉篇樊力全切攀樊也說文攀係也小畜九五有孚

廣雅正言 卷之三
變如馬融注云、變連也、
變各本譌作變、今訂正、

善佳也

纔暫也

粲鮮也

小雅伐木篇於粲洒
埽毛傳云、粲鮮明貌

紹縈也

說見卷二紹
縈緝也下、

期時也

咳包也

咳與
該通

箋云也

未詳

葉世也

商頌長發篇管在中
葉毛傳云葉世也

曾是也

未詳

視比也

雜記妻視叔父母
鄭注云視猶比也

執脅也

執與歸通脅與脅通說見卷
四脅怯也及下文懾服也下

賁佳流登

譏譴也

譏通作幾周官宮正幾其出入鄭注云幾呵其衣服持操及疏數者衆經音義卷三引倉頡篇云譴呵也

諭曉也

豕挽也

說文豕豕走挽也挽與脫通脫豕聲相近豕猶遜也遜或作遂漢書匈奴傳贊遂逃竄伏字從辵豕聲豕遜聲亦相近

蹊躅也

說見卷三躅蹊躅也下

諷諷也

鄭注大司樂云倍文曰諷又注瞽矇云諷誦詩謂闇讀之不依詠也闇與諷同

贈稱也

太平御覽引春秋說題辭云贈之爲言稱也。綖之爲言遺也。

甲押也

史記律書云甲者言萬物剖符甲而出也。索隱云符甲。所字甲也。漢書律歷志云出甲於甲。說文甲位東方之孟陽氣萌動從木戴孚甲之象。卷四云押輔也。然則萬物初出有孚甲以自輔。故云押也。

乙軋也

律書云乙者言萬物生軋軋也。律歷志云奮軋於乙。說文乙象春草木冤曲而出陰氣尚彊其出乙乙也。

丙炳也

律書云丙者言陽道著明。律歷志云明炳於丙。說文丙位南方萬物成炳然。

癸揆也

黃淮疏證

卷第五下

律書云癸之爲言揆也言萬物可揆度也律歷志云
陳揆於癸鄭注月令云王之言任也癸之言揆也冬
時萬物皆懷任於下揆然萌芽以上所釋十幹名義
凡四條其庚更也已見卷三丁強也已見卷四戊茂
也已紀也壬任也已見本卷惟缺辛字一條蓋傳寫
遺脫也律歷志云悉新於辛月令注云庚之言更也
辛之言新也秋時萬物
皆肅然改更秀實新成

子孳也

律書云子者滋也言萬物滋於下也律歷志云孳
萌於子說文子十一月陽氣動萬物滋滋與孳通

丑紐也

律書云丑者紐也言陽氣在上未降萬物厄紐未敢
出也律歷志云紐牙於丑釋名云丑紐也寒氣自屈
也紐也

寅演也

律書云寅者言萬物始生蟄然也律歷志云引建於寅釋名云寅演也演生物也演蟄引古竝同聲

辰振也

律書云辰者言萬物之蟄也律歷志云振美於辰說文辰震也三月陽氣動雷電振民農時也振震蟄竝通

巳巳也

律書云巳者言陽氣之已盡也律歷志云巳盛於巳說文巳巳也四月陽氣已出陰氣已滅萬物見成文章巳與巳同

午午也

律書云午者陰陽交午律歷志云考布於午說文午悟也五月陰氣悟逆陽冒地而出也午悟考古竝同聲

未味也

律書云未者言萬物皆成有滋味也

亥亥也

各本誤在息休也之下今訂正說文亥亥也十月微陽起接盛陰以上所釋十二枝名義凡八條其酉就也己見卷三申伸也已見卷四惟缺卯戌二條律書云卯之爲言茂也言萬物茂也戌者言萬物盡滅律歷志云冒卯於卯畢入於戌說文卯冒也二月萬物冒地而出戌滅也九月陽氣微萬物畢滅

息休也

仔克也

爾雅肩堪克也說文仔克也周頌敬之篇佛時仔肩毛傳云仔肩克也鄭箋云仔肩任也任亦堪也

僞引也

諸書無訓。傷爲引者。傷當作。傷字之誤也。說文。傷引。爲賈也。玉篇。音於建切。後漢書。崔寔傳。悔不小斬。可。至千萬。斬。或作傷。字又作。傷。玉篇。賈。物相當也。廣韻。賈。引與爲價也。案。引爲價。謂引此物以爲彼物之價。卽相當之意也。引。傷。語之轉耳。上文云。仔克也。下文云。傷態也。侍承也。倣戒也。倣倨也。側旁也。皆出說文。文。人部。傷亦是也。

傷態也

傷之言善也。說文。傷。作妄態也。

侍承也

倣戒也

倣交也

倣倨也

側旁也

寢想也

寢經傳通作夢列子周穆王篇云神遇爲夢

逆道也

道通作錯卷三云逆亂也亂亦錯也

癘疣也

註疏也

說見卷二註疏識也下

詒衙也

說見卷三衙詒賈也下衙與衙同

臯局也

局之言曲也。小雅山月篇不敢不局。毛傳云局曲也。鶴鳴篇鶴鳴于九臯。韓詩云九臯九折之澤。王逸注離騷云澤曲曰臯。是臯局皆曲也。臯爲曲局之局。又爲界局之局。文選而京賦寔惟地之與區神臯。李善注云廣雅曰臯局也。謂神明之界局也。

厯逢也

王逸注
騷注文

匄市也

說文匄市也。字通作合。王制云天子不合國。

度匿也

論語爲政篇人焉廋哉。孔傳云廋匿也。互見卷四廋隱也下。

懣寢也

衆經音義卷十四引三倉云懣說言也說文懣寢言不慧也寢眠言也列子周穆王篇云眠中吟嚙呻呼眠眠寢懣竝同

慌寢也

說文說寢言也義與慌同下文云說忽也

鹹銜也

說文鹹銜也

礙距也

說文礙止也距止也距與距通

科品也

說文、科、程也、程、品也、

塘揆也

說見卷四

嬈苛也

說見卷二、嫖、詭、透、掃、嬈也、下、

媒嬖也

經傳通用、褻瀆、

痔瘞也

說見卷二、瘞、痔、短也、下、瘞、與、瘞、通、

鉏鈞也

黃雅疏證

卷第五下

天

鉶各本譌作鉶今訂正說文鉶鐵鉶也鉶鉶也徐鍇傳云鉶猶箭也說文箭筈也釋名云鉶攝也攝取髮也鉶箭鉶竝同義箭與鉶亦同義字又作鉶周官典同注鉶讀為飛鉶淫鉶之鉶鬼谷子作飛箭陶宏景注云箭謂牽持絨束令不得脫也射鳥氏注并夾鉶箭具釋文引沈重云鉶或作鉶後漢書陳寵傳絕鉶鑽諸慘酷之科李賢注引倉頡篇云鉶持也又引說文鉶鐵鉶也卷三云拈拈持也拈與鉶鉶與鉶亦聲近而義同

嫖椎也

說見釋訓嫖椎都凡也下

軍圍也

說文軍圍圍也呂氏春秋明理篇其日有暈珥高誘注云暈讀如君國子民之君氣圍繞日周而有似軍營相圍守故曰暈也淮南子覽冥訓晝隨灰而月運闕高注云運讀連圍之圍運者軍也將有軍事相圍

守則月運出也軍
運圖古聲竝相近

賈固也

白虎通義云賈之爲言固也固其有
用之物以待民來以求其利者也

柰那也

那各本譌作那今訂正宣二年左傳棄甲則那言棄
甲則柰何也柰何二字單言之則曰柰揚雄廷尉箴
云惟虐惟殺人莫予柰是也那爲柰何
而又爲柰若諸爲之於而又爲之矣

甚勦也

猥頓也

頓猶突也月令寒氣總至鄭注云總猶猥卒也卒與
猝同猥猝皆頓也成十八年公羊傳疏引春秋說云
厲公猥殺四大夫言頓殺四大夫也漢書文三王傳
何故猥自發舒言頓自發舒也馬融長笛賦山水猥

廣雅疏證

卷第五下

三

至言頓至也

瞽窺也

說見卷一窺瞽視也下
瞽各本譌作瞽今訂正

時伺也

說見卷一靚視視也
下靚時視伺竝通

說忽也

老子云無狀之狀無象之
象是謂忽恍恍與說通

僦賃也

史記平準書索隱引通俗文云雇載
曰僦商子墾令篇云令送糧無取僦

痛擗也

牒窳也

未詳

圻垢也

西山經錢來之山其下多洗石郭璞注云澡洗可以礪體去垢圻

山宣也

藝文類聚引春秋說題辭云山之爲言宣也舍澤布氣調五神也說文山宣也宣氣散生萬物

麥藊也

藊各本譌作程說文麥芒穀秋種厚藊故謂之麥今據以訂正

噎咄也

噎之言吐也廣韻噎咄吐阿也燕策云响籍吐咄

春蠶也

鄉飲酒義春之爲言養也產萬物者聖也鄭注云養動生之貌也聖之言生也漢書律歷志云春養也物養生通動運春秋繁露陽尊陰卑篇云春之爲言猶倦倦也喜樂之貌也倦與養通書大傳云春出也物之出也出與養亦同義故考工記梓人注云養出也

夏嘏也

鄉飲酒義夏之爲言假也養之長之假之仁也鄭注云假大也書大傳云夏者假也吁茶萬物而養之外也律歷志云夏假也物假大通宜平假與嘏通

跨奎也

跨通作跨爾雅驪馬白跨驕釋文引倉頡篇云跨兩股間也說文跨股也又云奎兩髀之間也莊子徐無鬼篇奎蹄曲隈向秀注云股間也說文跨渡也方言半步爲跬跬亦跨也跨與跨跬與奎聲相近皆中

之意也互見卷三
三封刳屠也下

銳利也

說文銳銳圓也利刺也一日齊也楚辭九章利方以爲圓兮王選注云利削也莊子齊物論篇五者曰而幾向方矣司馬彪注云圓削也漢書食貨志百姓抗斂以巧法顏師古注云抗說也謂摧挫也韓信傳刻印利蘇林注云利音利角之利手弄角說也鄭會其傳利作玩淮南子泰族訓云摩而不玩說與銳通園抗玩竝與利通

薄附也

薄之言傳也迫也說卦傳雷風相薄陸績注云相附薄也楚辭九章腥臊竝御芳不得薄兮王選注云薄也附也

槩苗也

謂萌孽也說見釋草茁孽也下茁苗孽孽竝通或讀苗爲災害之災則孽爲天作孽之孽亦通

楊揚也

楊當作陽釋名云陽揚也氣在外發揚也

月闕也

月令正義引春秋元命包云月之爲言闕也說文月闕也十五稍減故曰闕也太陰之精象形

尫券也

將扶也

規擬也

說見卷四

昌光也

說文昌
日光也

諱訾也

說見卷二諱
訾諍也下

剡勢也

玉篇剡直破也管子五輔篇博帶黎尹知章注云黎
割也淮南子齊俗訓云伐梗枿豫章而剖黎之文選
長楊賦分勢單于李善注引韋昭曰勢
割也勢黎竝與剡同說文勢剡也割也

癰癰也

說文癰小兒癰癰病也漢書藝文志有金創癰癰方
素問診要經終論云太陽之脈其終也戴眼反折瘕
癰潛夫論貫忠篇云哺乳太多則必掣縱而生癰竝
字異而義同癰之言掣縱之言縱也說文云引而縱
日癰癰與掣同

賈佐疏登

卷第五下

品式也

說見卷四

似若也

唯茹也

唯與嚼同方言云茹食也

詠訴也

說見卷二詠訴諍也下

懾服也

服各本譌作般今訂正說文懾服也秦策云趙楚懾服史記項羽紀諸將皆懾服漢書作警服陳咸傳作執服朱博傳作懾服竝字異而義同

嬾慙也

飲飲也

說文飲笑意也嵇康琴賦云
飲愉懽釋玉篇飲笑意也

打梔也

梔之言拈擊也秦策云句踐終
梔而殺之打見卷三打擊也下

擊擊也

玉篇擊研破也研與
擊同說文擊摩也

癖平也

說見卷三
癖痛也下

伶綴也

黃雅疏證

卷第五下

未詳

靡其也

靡通作靡中孚九二我有好爵吾與爾靡之釋文靡韓詩云其也孟同集解引虞翻注亦同

竅孔也

瘰癧也

玉篇瘰力代切惡病也又云瘰說文力大切惡病也月令云民多疥癧韓非子姦劫殺臣篇云厲人憐王今俗作癩竝字異而義同

費耗也

新初也

祛挹也

玉篇扶，兩手挹也。漢書揚雄傳，扶靈蟻，韋昭注云，扶，捧也。

窵害也

說見卷四窵藏也。及卷七窵窟也。下各本譌作害窵也。廣韻集韻類篇並引廣雅窵害也。今據以訂正。

壁瘞也

說文，壁，人不能行也。瘞，罷病也。足不能行，故謂之瘞。病，史記平原君傳，壁者，曰臣不幸有罷瘞之病是也。瘞，瘞同。

惠賜也

瘞瘵也

方言，瘞，病也。東齊海岱之間，曰瘞。秦曰湛。郭璞注云，瘞，謂勞復也。廣韻引音譜云，瘞，病重發也。玉篇，瘵，復病也。瘵，復瘵，湛並通。傷寒論有大病差後勞復治法。

廣雅疏證

卷第五下

三

詛謂也

曹憲云有本作只詞也集韻類篇引此作詛調也皆未知其審

匪彼也

小雅小旻篇如匪行邁謀是用不得于道鄭箋云匪非也君臣之謀事如此與不行而坐圖遠近是於道路無進於跬步何以異乎襄八年左傳子駟引詩云云杜預注云匪彼也行邁謀謀於路人也不得于道衆無適從也顧氏寧人杜解補正云案詩上文云謀夫孔多是用不集發言盈庭誰敢執其咎則杜解爲長古人或以匪彼通用二十七年引詩彼交匪敖作匪交匪敖惠氏定字毛詩古義云案此必三家詩有作彼者故杜據彼爲說雨無正云如彼行邁其意略同又漢書引桑扈詩亦作匪荀子勸學篇引采菽詩匪交匪舒今詩上匪字作彼或古匪彼通用如顧說也念孫案小旻三章云如匪行邁謀是用不得于道四章云如彼築室于道謀是用不潰於成語意正相同則匪卽彼也是以廣雅及杜注皆訓匪爲彼詩中

匪字多有作彼字用者鄭風定之方中篇匪直也人
乘心塞淵猶言彼直也人乘心塞淵也檜風匪風
匪風發兮匪車偈兮猶言彼風發兮彼車偈兮也小
雅四月篇匪鶉匪鵒匪鵒飛戾天彼鵒彼鵒則潛逃于淵
言彼鵒無所逃於禍患之中也猶上文云相彼泉水載
我獨無所逃於禍患之中也猶上文云相彼泉水載
清載濁我日構禍曷云能穀也何草不黃篇匪兕匪
虎率彼曠野哀我征夫朝夕不暇言彼兕彼虎則率
彼曠野矣哀我征夫何亦朝夕不暇乎猶下文云
文云有芘者孤率彼幽草有棲之車行彼周道也鄭
人士篇匪伊縶之帶則有餘匪伊縶之髮則有旗言
彼帶之縶則有餘彼髮之縶則有旗也猶上文言彼
都人士縶帶而屬彼君子女卷髮
如縶也說者皆訓匪為非失之

尿柄也

說見釋器

驚駘也

餒餒也

廣韻餒噎聲也說文噎飯空也噎與餒同餒餒二字並從飢隸體小異耳

癢偃也

射繹也

射義云射之爲言者繹也繹者各釋己之志也

胆鎔也

未詳

辯變也

王逸注九辯云辯者變也謂陳道德以變說君也

拊抵也

約儉也

王逸注九歌云拊擊也堯典云子擊石拊石拊各本
謬作拊今訂正抵各本謬作抵案說文抵擠也從手
氏聲玉篇音多禮切說文抵則擊也從手氏聲玉篇
音之是切引秦策抵掌而言說文又云扞開也從手
只聲讀若抵掌之抵廣雅卷三云拊擊也此云拊抵
也曹憲音紙則其字當從氏今據以訂正史記滑稽
傳抵掌談語集解亦引秦策抵掌而言漢書杜周傳
質業因勢而抵腕服虔注云抵音紙顏師古注云抵
擊也朱博傳奮髯抵几顏師古注云抵擊也音紙揚
雄傳解嘲界淫陽抵壤疾而代之蘇林注云抵音紙
文選注引說文抵側擊也後漢書隗囂傳人人抵掌
李賢注引說文抵側擊也又引趙策蘇秦與李兌抵
掌而談張衡東京賦抵壁於谷李善注引說文抵側
擊也左思蜀都賦扞腕抵掌劉逵注亦引秦策抵掌
而言抵掌猶言拊掌故廣雅云拊抵也抵與抵聲義
各別漢冀州從事張表碑抵拂頑詢字從氏不從氏
是其證也而今本戰國策史記漢書後漢書文選皆
謬作抵世人多見抵少見抵遂莫有能正其失者矣

咀唯也

抒深也

楚辭九章發憤以抒情王逸注云抒深也

效驗也

效各本譌作驗文選閒居賦演連珠注並引廣雅效驗也今據以訂正

駱角也

駱之言格角之言解也方言鉤宋楚陳魏之閒謂之鹿駱或謂之鉤格郭璞注云或呼鹿角說文駱骨角之名也樂記角駱生鄭注云無髀曰駱說文駱角中骨也東山經其神狀皆獸身人面載駱郭璞注云麋鹿角曰駱淮南子主術訓桀之力別駱伸鉤漢書司馬相如傳犧雙駱共抵之獸服虔高誘注並云駱角也各本譌作角駱也今訂正

說文：魚口上見也。集韻引字林云：魚口出水，見韓詩外傳云：水濁則魚喁。淮南子主術訓：水濁則魚喁。高誘注云：魚短氣出口於水，喘息之喻也。馬融長笛賦云：鱗魚喁於水裔。左思吳都賦：喁喁沈浮。劉逵注云：喁，魚狂水中羣出動口兒。

攘拮也

說見卷一，拮，舉也。下，舉與攘同。

恩子也

方言：恩者，子也。湘沅之會，凡言是子者，謂之恩。若東齊言子矣。郭璞注云：恩，音泉聲之轉也。

祆妖也

釋名：妖，妖也。妖，害物也。妖與祆通。

鐡筭也

史記平準書云算輶車賈人繒錢皆有差漢書武帝紀初算繒錢李斐注云繒絲也以貫錢也一貫千錢出筭二十也說文作繒義同

彼俾也

彼俾皆哀也說見卷二輶彼哀也下玉篇俾與俾同彼與彼俾與輶古亦通用

遞也

遞下各本皆缺一字說文遞行遞遞也徐鉉傳云漸迂哀也司馬相如大人賦獨應龍象輿之雙略委麗兮麗與遞同說文遞哀行也引禹貢東遞北會于匯爾雅遞遞沙邱郭璞注云衍行連延揚雄甘泉賦登降列施李善注云列施邪道也列施與遞同遞下所缺或是遞字彼訓爲俾遞訓爲遞皆哀之義也

離剛也

贅肱也

說見卷二肌腫也
及上文贅屬也下

兒暉也

說見卷四
晃明也下

裝橡也

說見卷二裝橡飾
也下裝與裝同

瞭騫也

集韻引卑倉云瞭細長也爾雅釋木小枝上緣爲騫
郭璞注云謂細枝皆翹騫上句者名爲喬木喬與騫
瞭與騫並同義騫各
本譌作騫今訂正

癰癰也

說文癰溼病也素問癰論云風寒濕三氣雜至合而
爲癰癰各本譌作寤玉篇廣韻集韻類篇並云癰癰

也今據以訂正素問五常政大論云皮膚肉苛筋脈不利

療腫也

集韻引字林同腫見卷二腫腫也下

吞咽也

難難也

說見卷三難少也下

煇煇也

說見卷三煇煇也下

疏長也

此下八條皆一字兩訓而其義相反郭璞爾雅注云以徂爲存以亂爲治以暴爲暵以故爲今此皆詁訓

義有反覆旁通美惡不嫌同名是也爾雅育長也鄭風谷風篇既生既育鄭箋云育謂長老也說文引堯典教育子今本作育子馬融注云育長也育育毓古同聲

毓
稚也

幽風鴟鵂篇鷺子之閔斯毛傳云鷺稚也正義云釋言鞠稚也郭璞曰鞠一作毓毓育鞠古亦同聲各本稚上無毓字又下文曩鄉也陶憂也淳泥也無曩陶淳三字皆是後人所刪說見上文漠怕也下

曩久也

爾雅文也久猶舊也楚辭九章云猶有曩之態也

曩鄉也

亦爾雅文也竝著於此所以別異義也曩二十四年左傳云曩者志入而已說文曩不久也曩與鄉同
陶喜也

附憂也

竝說見卷二
鬱悠思也下

濤清也

濤泥也

此二條已見釋詁復
著之亦以別異義也

鐮栝也

方言凡箭鐮胡合巖者四鐮或曰鉤腸三鐮者謂
之羊頭郭璞注云鐮栝也餘見上文廉栝栝也下
凡諸書引廣雅而今本全脫其文者釋詁釋言莫可
區別皆附載於此篇之末
祕密也

見玉篇

黃雀流登

卷第五下

三

月牙口言
稊稾也

見唐風鴇羽釋文說文稊種稾也爾雅苞稊也孫炎注云物叢生曰苞齊人名曰稊鴇羽箋云稊者根相迫迮相致考工記輪人稊理而堅聘義稊密以栗鄭注竝云致也稊與稊通說文參稊髮也引鄭風君子偕老篇參髮如雲今本作鬢義亦與稊同說文概稊也史記齊悼惠王世家云漢耕概種

文選束皙補亡詩及謝靈運過始寧墅詩注竝引廣雅稊稾也禦敵也

見莊子馬蹄釋文酒滋液也

衆經音義卷二及集韻類篇竝引廣雅酒滋液也王篇酒才周切酒經音義卷二十五引廣雅滋液也

液也。鄒陽酒賦云：甘滋泥泥。司馬相如封禪文云：滋液滲漉。揚雄羽獵賦云：上獵三雲之流，下決禮泉之

溉。攷也。

見衆經音義卷六卷十八攷。通作𣪠。說文：𣪠，奪衣也。訟上九云：終朝三𣪠之。刷，刮也。

見衆經音義卷九。說文：刷，刮也。周官：凌人，秋刷鄭衆注云：刷，除水室。契。

集韻引廣雅：契，刮也。說文：契，字注云：斷契，刮也。玉篇云：斷契，刷刮也。陵，侮也。

衆經音義同上。

廣雅疏證

卷第五下

三

剗鏤也

見衆經音

義卷十三

禱詩也

見衆經音

義卷十六

嘖頓也

見衆經音義卷十七爾雅寔哈也

寔什也寔與嘖通說文什頓也

鎮竿也

見衆經音義卷十八說文鎮博厭也厭竿也厭通作

壓衆經音義卷二十四引倉頡篇云壓鎮也竿也

嘖蒙也

見衆經音義

卷二十一

角試也

見衆經音義卷二十二、二十四、月令云天子乃命將
帥講武習射御角力、呂氏春秋孟冬紀同、高誘注云
角猶試也、管子七
法篇云春秋角試
兔抑也

見衆經音義
卷二十二
音暫也

見衆音義卷二
十三、二十四、
泄發也

鄙猥也

並見衆音義
卷二十五

廣雅疏證

卷第五下

罕

弛釋也

見文選魏都賦注周官大司樂令弛縣鄭注云弛釋下之意疑也

長楊賦意者以爲事罔隆而不殺物靡盛而不虧魯靈光殿賦意者豈非神明依憑支持以保漢室者也李善注竝引廣雅意疑也案意者猶言或者故乾文言云或之者疑之也漢書文三王傳於是天子意梁顏師古注亦云意疑也意亦擬度之辭也禮運云聖人耐以天下爲一家以中國爲一人者非意之也必知其情辟於其義明於其利達於其患然後能爲之果能也

見面征賦注孟子梁惠王篇君是以不果來也離婁篇果有以異於人乎趙岐注竝云果能也晉語是之不果奉而暇晉是皇韋昭注云果克也克亦能也

希庶也

面征賦注左思詠史詩注嵇康幽憤詩注傅咸贈何劭王濟詩注引廣雅並同希者庶幾之合聲故希又訓爲庶爾雅庶幾尚也

秀異也

見遊天台

山賦注

浮罰也

見閒居賦注投壺若是者浮鄭注云浮罰也晏子春秋雜篇云景公飲酒桓子侍望見晏子而復於公曰請浮晏子浮罰一聲之轉論語公冶長篇乘桴浮于海馬融注云桴編竹木大者曰楫小者曰桴楫之轉爲桴猶罰之轉爲浮矣

載則也

見高唐賦注酈風載駢篇載駢駢駢駢風

漸稍也

見謝靈運遊南亭詩注說文稍出物有漸也趙策云稍稍簞食之

違異也

見沈約學省愁臥詩注邶風谷風傳云違離也

招擗也

見潘岳馬汧督誄注及華嚴經卷五十五音義莊子人間世篇云自拮擊於世俗

喝嘶也

見謝莊宋孝武宣貴妃誄注方言嘶噎噎也楚曰嘶秦晉或曰噎又曰噎噎與咽同謂鳴咽也噎與喝同司馬相如子虛賦榜人歌聲流喝郭璞注云言悲嘶也論衡氣壽篇云兒生號啼之聲鴻朗高暢者壽嘶

喝濕下者天後漢書張酺傳王青被矢貫咽音聲流
喝李賢注云流或作嘶又引廣倉云喝聲之幽也方
言又云東齊聲散曰嘶秦晉聲變曰嘶說文發悲聲
也周官內饗鼻饗色而沙鳴鄭注云沙嘶也內則注
作嘶正義作斯云斯謂酸嘶漢書王莽傳莽為人
大聲而嘶顏師古注云嘶聲破也並字異而義同
風聲也

見王僧達祭顏光祿文注詩序云風教也禹貢
云聲教訖于四海文六年左傳云樹之風聲
方所也

見後漢書
黃憲傳注

垠
垠也

見張衡傳注說文垠地垠也一曰岸也文選西京賦
注引許慎淮南子注云垠鐔端厓也鐔與垠通淮南
子似真訓作垠漢書揚雄傳作鄂垠荀子成相篇作
銀淮南子似真訓作圻又作垠漢書敘傳作圻並字

異而義同

講讀也

見初學記
太平御覽

論道也

見初學記以上二條說
見卷二讀道說也下

馭駕也

見華嚴經卷
十一音義

祿詛也

見集韻類篇玉篇云祿
呪詛也呪祿一聲之轉

搗拘也

同上王篇
搗手搗也

憊闇也

同上王篇憊牟孔切心亂心迷也集韻又謨蓬謨中
彌登母亘四切爾雅夢夢亂也孫炎注云昏之亂也
大雅抑篇云視爾夢夢又爾雅夢夢悒悒也釋文
悒字或作憊說文憊不明也並字異而義同
厠瘕也

同上說文厠瘕也廣韻直引切云杖痕腫處衆經音
義卷九云今俗謂肉斗腫起爲瘕疹或言瘕厠也
諛諛也

同上說王篇音虛儉息廉二切說文引立政勿以諛
人徐錯傳云諛猶險也今本諛作儉馬融注云儉利
佞人也說文儉儉諛也儉利干上佞人也愚疾利口
也引盤庚相時愚民今本愚作儉馬融注云儉利小
小見事之人也韓非子詭使篇云損仁逐利謂之疾
險並字異而義同文選顏延之和謝監靈運詩注引

會頡篇云、諛、佞諂也。孟子公孫丑篇、諛辭、知其所蔽。
趙岐注云、險諛之言。荀子成相篇云、譏人罔極、險諛。
傾側。詩序云、內有進賢之志、而無。
險諛私謁之心、竝字異而義同。
廕、廕也。

同上。玉篇亦云、廕、廕也。廕與覆同義。說文、燿、道中外
人人所覆也。引小雅小弁篇、行有外人、尚或燿之。今
本作燿。毛傳云、燿、路
冢也。燿與廕義相近。

十三言未刻點竟晴爽

廿六言飯後校陰雲滿空或將其雨又冀一絲煩暑也

廣雅疏證卷第五下